



Speculacion circulando cu tabatin problema cu conteo di voto di Soca Monarch



Pagina 2

- **Sospechoso
di hit & run
fatal deteni
ainda**

Pagina 2

- **Hulanda ainda
den top 10
pais menos
corupto**

Pagina 9

- **Senador
indigena
secuestra na
Colombia**

Pagina 10

Gobierno ta intensifica control contra ilegalidad despues di finalisacion di Hunto pa Progreso



Pagina 3

Jorge Rodriguez a descarta eleccion na Venezuela te ora logra estabilidad



Pagina 11

Congreso Mericano ta interroga oficialnan di inmigracion



Pagina 23

Speculacion circulando cu tabatin problema cu conteo di voto di Soca Monarch



Riba rednan social ayera a circula rumornan hopi impactante tocante Soca Monarch 2026, cual Soilo "Lord Lally" Sanchez a gana cu su cantica super popular, "The Lizard Kacking."

Aparentemente durante control di e resultadonan a bin haya sa cu tabatin algo a bay malo cu conteo di voto, y a declara e ganador robes.

Diferente musico a duna nan

opinion tocante e rumornan, y tin hopi interes pa mira ken ta e berdadero ganador. Entre nan, un persona cu a duna su opinion ta Ashrock Gario.

"E resultado di anochi final ta muestra mane cu e puntonan no a bay bon. Lo tin un meeting mas laat. Mi opinion ta whatever e resultado ta pa laga lord Lally cu su corona. We are ok with it."

Mientras tanto, Lord Lally cu su banda Hot Ones a anuncia cu Lord Lally lo ta presente pa canta su cantica durante paradanan grandi, pa asina satisface comunidad di Aruba cu a muestra un aprecio enorme pa "The Lizard Kacking."

Por recorda cu durante e rondanan inicial di e competencia di Soca Monarch, Lord Lally a ricibi un "Wild Card"

pa avansa na e final despues cu comunidad a muestra su sosten inkebrantable pa e cantica mas popular di e temporada aki.

Despues di a duna Lord Lally e Wild Card, a declar'e ganador di e competencia y Soca Monarch. Esaki a causa hopi agrado den comunidad, cu hopi elogiando y disfrutando e hecho cu e perseverancia di Lord Lally – kende tin decadas participando den Carnaval – a duna su fruto.


Ayera tardi pa 6.30, dirigenenan di banda a keda convoca pa un reunion urgente unda a discuti e situacion pa

purba yega na un resolucion pa e situacion di problema cu conteo di voto.

Alrededor di 8or di anochi, musico Claudius Philips a informa na medio noticiero presente cu segun el a compronde, Stichting Musica no lo kita corona di Lord Lally. Sinembargo pa loke ta e puntuahenan, a indica cu lo sigui conta y lo dicidi despues kico lo dicidi.

Te ciere di edicion aki no a obtene mas informacion tocante e conteo nobo. Ta spera cu Stichting Musica lo duna informacion oficial despues di e reunion.

Sospechoso di hit & run fatal deteni ainda



E sospechoso den un incidente mortal di hit-and-run cu a cobra bida di dos peaton na comienso di januari ta keda cera mientras cu autoridadnan ta sigui cu nan investigacion.

Dia 8 di januari 2026, Hues Comisario a aproba e peticion di Ministerio Publico pa prolonga e detencion di e sospechoso, ken a ser identifica den comunidad y riba rednan social como C. Fernandes di 24 aña, cu 14 dia. E extencion a ser otorga pa duna investigadornan tempo adicional pa completa trabou forensico y recoge evidencia prome cu acusacionnan formal ser presenta.

Fernandes a keda deteni pa prome biaha despues di e accidente fatal cu a sucede riba 4 di januari poco prome cu 12or di anochi riba L.G. Smith Boulevard banda di Renaissance Mall. Un SUV color scur, cu e sospechoso tabata mancha, a dal Josely

Paulina Vasquez Gonzalez (65) y Carlos David Viales Valerio (54), tur dos di Republica Dominicana, lagando benta riba caminda y a sigui corre bay.

Autoridadnan a localisa y tuma e SUV den beslag den area di Bushiri na Oranjestad, y Fernandes a ser deteni un rato despues.

Bon Dia Aruba a tuma contacto cu Ann Angela, vocero di Ministerio Publico, ken a confirma cu e sospechoso ta deteni ainda y e fase di detencion actual a cuminsa dia 22 di januari 2026, y lo dura te cu 90 dia mas mientras cu e trabounan di investigacion ta sigui.

Ta spera cu autoridadnan lo enfoca riba completa recaudacion di evidencia, entrevista testimonan, y reconstrui e circunstancianan di e accidente prome cu cualkier acusacion formal ser presenta formalmente.

LA NOTTE

dell' Amore

FEBRUARY 14 | 5:30PM

3-course dinner
Price: \$210 per couple
Includes a bottle of wine

JOIA
BY VIBEROSTAR

Reservations trough opentable.com

JOIA Aruba offers a seamless, fully cashless experience

Gobierno ta intensifica control contra ilegalidad despues di finalisacion di Hunto pa Progreso

Minister di Husticia, Integracion, Energia y Transporte Publico Arthur Dowers (AVP) a comparti un actualisacion riba e ultimo desaroyonan di e programa Hunto pa Progreso, un trayecto crea pa regularisa e status di hende indocumenta na Aruba.

E proceso a cuminsa aña pasa cu e proposito cla cu e lo termina den fin di aña, y conforme plan, Hunto pa Progreso a finalisa oficialmente na fin di december. Minister Dowers a splica cu tin confusion ainda den comunidad, pasobra tin persona cu ta pensa cu e trayecto ta activo ainda. Sinembargo, el a aclaria cu Hunto pa Progreso a termina y cu e oportunidad pa drenta den e proceso tabata limita na un periodo specifico. Tur persona cu a yega Aruba prome cu 1 di juli 2025, tabata indocumenta y cu a cumpli cu e rekisitonan cu a keda stipula, por a drenta den e proceso.

El a indica cu aunke e proceso a termina formalmente, e implementacion administrativo ainda ta andando pa hopi caso. Tin persona cu ainda ta wardando respuesta riba nan permiso, pero segun e mandatario, esaki ta parti di e proceso normal. E evaluacion di petitionnan ta sigui y e instancianan competente ta traha pa procesa tur dossier cu a ser entrega den e plaso indica.

Dispensacion

Na comienso di aña, gobierno a duna un extension te cu fin di januari pa persona cu no por a drenta den ningun di e trayectonan di Hunto pa Progreso bandona e isla. E medida aki tabata pa duna nan oportunidad pa sali for di Aruba cu un dispensacion automatico, evitando cu nan ta ser prohibi di regresa Aruba, sea como turista of cu meta pa obtene un permiso di estadia, pa un periodo di tempo.

Den e contexto ey, minister Dowers a indica cu gobierno a ricibi reclamo di persona cu, a pesar di tin dispensacion, a ser manda back ora nan a yega inmigracion. Segun e mandatario, esaki ta un situacion cu mester ser investiga, pasobra un dispensacion no mester automaticamente



resulta den rechazo na frontera. El a reconoce cu e tema aki mester atencion y clarificacion den e procedimiento.

El a splica cu e ultimo trayecto di Hunto pa Progreso a inclui mas o menos 1.500 persona cu no a logra presenta nan mes pa remarca of cu no a logra haya un dunador di trabao. Segun e mandatario, e grupo aki a haya un permiso di un aña, cu obhetivo pa duna nan un oportunidad pa integra den e mercado laboral. Sinembargo, minister Dowers a subraya cu e permiso aki ta temporal y no ta un solucion permanente si no tin un dunador di trabao.

El a enfatisa cu e permiso di un aña sin dunador di trabao ta valido solamente pa e periodo ey. Despues di un aña, si e permiso no keda renoba automaticamente, e persona ta perde su status legal. Esaki por tin consecuencia directo pa e permanencia di e persona na Aruba. Segun e minister, esaki ta un punto importante cu mester comprende bon pa evita mal entendido.

Minister Dowers a haci un apelacion na tur persona cu a drenta den e trayecto pa mantene nan informacion di contacto actualisa, specialmente number di telefon. Segun Dowers, si DIMAS no por tuma contacto cu un persona pa yuda nan den e proceso di busca un dunador di trabao, e

persona ta core riesgo di por perde e oportunidad. Comunicacion ta ser considera esencial pa e exito di e proceso.

Conexion

Dowers a splica cu si un persona logra haya un dunador di trabao, un hende of compania dispuesto pa firma pa nan, nan no necesariamente mester depende riba DIMAS. E meta final di e trayecto ta pa mas persona logra stabilisa nan situacion laboral y legal den Aruba.

El a indica cu den e grupo di 1.500 persona tin diferente categoria. Ora cu DIMAS ta ricibi peticion di dunadornan di trabao cu mester un trahador specifico, e institucion ta pone e solicitantenan den contacto cu e dunadornan di trabao. Minister Dowers a confirma cu ya tin caso unda persona a logra haya un dunador di trabao a traves di e conexionnan facilita pa DIMAS.

Pa loke ta trata prome permiso, Dowers a recorda cu DIMAS tin un lista vigente di categoria cu por solicita. Esaki ta inclui, entre otro, persona cu nivel di HBO, chef, koki y otro profesion cu tin escasez na Aruba. Hopi otro categoria, sinembargo, no ta eligibel pa prome permiso segun e regulacion actual. E mandatario a indica tambe cu permiso pa trabao interno,

manera trahador den cas of pa cuida persona, ta sigui un opcion vigente. Esaki ta un sector cu Aruba tin necesidad, y persona cu cumpli cu e rekisito por sigui solicita permiso conforme ley.

Minister Dowers a pone atencion riba e practica di bishitantenan cu ta bin Aruba y despues ta dicidi keda pa busca trabao. Segun e mandatario, esaki no ta permiti mas. Un bishitante cu no ta Hulandes of Mericano por keda un maximo di 90 dia. Despues di e periodo ey, e persona mester bandona e pais y cumpli cu ley. Solamente despues di salida y reentrada conforme regla, un persona por considera solicita un permiso di trabao.

El a enfatisa cu e intencion no ta pa stimula ilegalidad. Si un bishitante haya un oferta di trabao durante su estadia, e persona por solicita, pero no por keda di forma ilegal mientras ta warda aprobacion. Esaki, segun e mandatario, ta crea obstaculo adicional pa ora di regularisa status. Recomendacion di gobierno ta cu un persona cu haya un oportunidad di trabao mester sali di e pais, cumpli cu ley y despues sigui e proceso legal pa yega na un permiso. Esaki ta considera e unico caminda corecto.

Accion contra ilegalidad

Un otro punto cu minister Dowers a subraya ta cu ta bay intensifica e accion contra ilegalidad den un manera mas efectivo y consistente. El a splica cu gobierno a nota cu varios persona a haci uso di dispensacion y a bandona e pais voluntariamente. Sinembargo, tin hopi otro cu a dicidi pa keda sin cu tin ningun peticion den proceso. Pa e grupo aki, e siguiente fase lo enfoca riba accion administrativo di ilegalidad.

E prome paso lo ta tuma contacto cu e persona cu a para garante pa otro individuo. Si un persona a firma pa trece un hende Aruba, e garante por spera contacto di autoridatnan. Si no logra contacto via telefon, un bishita na e adres registra por ta e siguiente paso. E proposito ta pa recorda e garante di su responsabilidad y cu e persona cu el a para garante p'e mester bandona e isla si no tin status legal.

Minister Dowers a aclaria cu e garante no ta autoridad pa detene of saca un persona, pero tin un responsabilidad legal. El a splica cu si gobierno mester haci gasto pa repatria un persona, e garante lo mester para responsable pa cubri e costonan ey. Esaki por inclui costo di ticket, gasto administrativo y otro gasto cu por surgi.

Responsabilidad di garante por tambe inclui gasto medico of otro costo adicional. Segun e mandatario, Aruba a confronta caso unda persona sin seguro a crea gasto significativo pa estado. Den e caso ey, e garante por ser responsabilisa pa e gastonan ey tambe.

Gobierno a haci un apelacion na dunadornan di trabao pa coopera cu ley y pa no emplea persona sin permiso. Minister Dowers a reconoce cu tin dunador di trabao cu ta enfrenta escasez di personal legal, y pa esaki a pone nan den contacto cu DIMAS pa evalua posibilidad den marco di e grupo di 1.500 persona.

Un enfoke importante pa futuro lo ta e tema di facilitacion di ilegalidad, manera duna trabao of vivienda na persona cu ta keda ilegal. Segun Dowers, esaki no ta aplicabel na persona cu ta den proceso, pero si na esnan cu deliberadamente ta keda ilegal. Facilita ilegalidad ta un acto condenabel segun ley. El a indica cu por yega momento cu Ministerio Publico por presenta un caso contra un persona cu ta facilita ilegalidad. Aunke esaki no tabata comun den pasado, gobierno ta mira esaki como un riesgo serio cu mester preveni.

Finalmente, e mandatario a subraya cu Aruba no ta bay actua contra ley ni contra derecho humano. Reaccionando riba preocupacion den comunidad, minister Dowers a indica cu e accionnan no ta comparabel cu estilo di ICE na Merca. Lo tuma tur paso conforme ley, reglanan vigente y tratado internacional. Sinembargo, e enfoke lo ta estricto y gobierno ta spera cooperacion di comunidad. Mas dilanti lo evalua si e medida cu a tuma ta suficiente efectivo of si mester adapta ley y sancionnan pa logra mas impacto.

Reino Hulandes ta reforsa cooperacion di husticia durante JVO na Sint Maarten

Ministernan di Husticia di Aruba, Corsou, Sint Maarten y Hulanda a reuni dia 16 di januari 2026 na Sint Maarten pa e semi-anual Justitieel Vierpartijen-overleg (JVO), enfocando riba fortificacion di cooperacion den henter Reino Hulandes den areanan di aplicacion di ley y sistemanan di capacitacion pa e lucha contra crimen organisa y intercambio di informacion hudicial.

Den un carta fecha 9 di februari, minister di Husticia y Seguridad Hulandes, Foort van Oosten a informa Tweede Kamer tocante e encuentro. E reunion, presidi pa Minister di Husticia di Sint Maarten, Nathalie Tackling, a trece e cuater pais hunto pa papia tocante retonan comparti dentro di e cadena di husticia y pa evalua e progreso riba iniciativanan continuo. JVO ta ser considera como e foro central pa coordinacion riba asuntonan di husticia dentro di Reino y tin como meta pa garantisar un acercamento coherente y efectivo pa asuntonan transfronteriso y regional.

Un tema central di e reunion di januari tabata e desequilibrio persistente den capacidad den diferente parti di e cadena di husticia den e parti Caribeense di Reino. Mientras cu a haci inversionnan den servicionan conhunto manera Recherche Samenwerkingsteam (RST) y Koninklijke Marechaussee, ministernan a reconoce cu e retonan ta keda na nivel local, incluyendo dentro di cuerpnan policial, servicionan di Ministerio Publico y facilidatnan di detencion.

E desbalansa aki por resulta den situacionnan caminda aumento di capacidad di investigacion no ta conduci na siguimento corespondiente den persecucion of detencion, afectando e efectividad di aplicacion di ley den henter Reino. E ministernan a reitera cu husticia ta primordialmente un responsabilidad nacional, pero a enfatisa cu deficiencianan den un pais por tin implicacionnan mas amplio pa seguridad regional y di henter Reino.

Pa atende esaki, e ministernan a bay di acuerdo pa crea un bista mas cla y comparti di e retonan di capacidad den cada un di e cuater paisnan. Lo haci un inventario amplio di capacidad dentro di servicionan di husticia, cu Hulanda ta

tuma responsabilidad pa mapa capacidad den servicionan conhunto. E trabaonan lo keda coordina pa medio di e grupo di trabao existente di JVO riba desbalansa, den cual tur pais ta representa. E inventario ta destina pa identifica scarsedad structural y informa decisionnan di politica den futuro.

E reunion tambe a subraya e importancia di comunicacion y coordinacion consistente entre ministerionan Hulandes cu ta involvi den asuntonan di Reino. Ministerio di Husticia y Seguridad a enfatisa su cooperacion estrecho cu ministerio di Interior y Relacionnan den Reino (BZK), cu ta keda activamente involvi den gruponan di trabao relaciona cu JVO y desaroyonan den e paisnan Caribeense. E cooperacion interministerial aki lo continua como preparacion pa e proximo JVO.

Sistemanan di detencion a forma un otro topico grandi di discusion. Mientras cu detencion ta keda un responsabilidad nacional, ministernan a enfatisa e importancia di cooperacion y compartimento di conocimiento pa garantisar facilidatnan di detencion sigur, humano y cu prueba di futuro den henter Reino.

Por a tuma nota di adelanto den varios area, mas prominente na Sint Maarten, unda a cuminsa cu construccion di e prison nobo di Point Blanche. Hulanda ta contribui €20 milyon na construccion di e instalacion nobo, hunto cu €10 milyon adicional pa sostene mehoracionnan mas amplio den e sistema di detencion riba e isla. E ministernan conhuntamente a marca e inicio di construccion na e margennan di e JVO.

E ministernan tambe a bay di acuerdo pa sigui cu e trabao di e taskforce di detencion existente, cu ta inclui representantenan di tur cuater pais. E taskforce ta sirbi como un plataforma pa intercambia experticio y miho practicanan. Banda di esaki Hulanda a expresa su apoyo pa un contesta conhunto riba e evaluacion di e Onderlinge Regeling Detentie realisa door di Consejo pa Aplicacion di Ley. Un grupo di redaccion dedica lo ser establece pa prepara e contesta aki.

Fuera di detencion, ministernan a papia tocante e necesidad pa fortalece cuido forensico, incluyendo tratamiento bao di e

medida di terbeschikkingstelling (TBS) y ponemento di hobennan den institutonan hubenil (PIJ). Tratamento adecua di individuonan cu problemanan psicologico of psiquiatrico a ser describi como esencial pa reintegracion efectivo y seguridad publico.

Actualmente, opcionnan di cuido forensico specialisa ta keda limita den e parti Caribeense di Reino. Reconociendo e buraco aki, e ministernan a recorda nan acuerdo anterior, alcanza na juni 2024, pa desaroya un programa di varios año enfoca riba cuido forensico, TBS y ponemento di hobennan den institutonan.

Den e reunion di januari, e grupo di trabao di henter JVO cu ta responsabel pa e programa aki a informa di e progreso cu a haci te cu awor. Tur cuater pais a compromete nan mes cu e iniciativa riba un base di largo plaso, cu e siguiente fase enfoca riba establece teamnan di proyecto local adapta na necesidadnan regional. Reclutamento ta andando pa un gerente di programma, cual posicion lo ser financia door di Hulanda. E gerente aki lo coordina proyectonan di mehoracion general y sostene e lansamento di iniciativanan local.

E ministernan a dedica atencion significante na e lucha contra “georganiseerde ondermijnende criminaliteit” – esta criminalidad organisa cu ta mina sociedad, describiendo esaki como un prioridad comparti cu ta rekeri un acercamento coordina den henter Reino. Mientras cu Aruba, Corsou y Sint Maarten ta ser mira como partnernan comprometi, ministernan a reconoce cu retonan ta keda significativo den region di Caribe. Un di e instrumentonan clave cu a ser discuti tabata e Ondermijningsplatform Cariben, un plataforma multidisciplinario dirigi riba mehoracion di cooperacion y fortificacion di e respuesta na crimen organisa. Hulanda lo provee financiamiento structural di €500.000 a traves di e Directoraat Generaal Ondermijning (DGO) pa sostene e obhetivonan strategico di e plataforma. E financiamiento aki ta destina pa engrandece partnershipnan a largo plaso, coordinacion di red y compartimento di informacion den henter Reino.

E ministernan a enfatisa cu atende cu criminalidad no ta



limita na aplicacion di ley penal so. Medidanan administrativo ta hunga un rol cada bes mas importante. Na fin di 2025, e grupo di trabao di JVO riba enfokenan administrativo a completa un evaluacion di e protocol cu ta regla e contesta administrativo na crimen organisa den e paisnan Caribeense. A base di e evaluacion aki a traha un protocol revisa y aproba pa tur minister, fortificando e cuadro administrativo di henter Reino.

Wardacosta di Caribe (Kustwacht Caribisch Gebied) a sobresali manera un aspecto vital den e cadena di husticia y seguridad. Responsabel pa deteccion trempa di trafica-cion di droga, contrabando di arma, migracion ilegal, pesca ilegal y ofensanan ambiental, Wardacosta ta hunga un rol central den seguridad regional.

Prome cu e JVO, minister Hulandes di Husticia y Seguridad y minister Tackling a bishita Wardacosta, cu ta marca su di 30 aniversario na 2026. Durante e reunion, e ministernan a ricibi informacion tocante desaroyonan recien y tendencianan regional for di e director suplente di Wardacosta.

Cooperacion regional entre polis y servicionan di bombero a keda describi como un fundamento di resiliencia y seguridad den e parti Caribeense di Reino. Structuranan existente, manera e Colegio di Hefenan di Polis, ta sigui haya sosten di tur cuater pais. Hulanda a confirma cu su contribucion structural anual di €3.5 milyon na cooperacion regional lo sigui for di 2026 pa dilanti.

Tambe a reporta progreso den e area di cooperacion di servicio di bombero. Ministernan a yama bon bini na pasonan pa un acuerdo di cooperacion renoba y e desaroyo di un proposicion pa un secretaria di sosten. Ta spera un decision formal riba e palabracionnan aki na e proximo JVO.

E intercambio y procesamento di informacion y datonan hudicial tabata otro punto clave di agenda. Ministernan a discuti esfuersonan pa armonisa

cuadro di proteccion di dato den henter Reino, describiendo e proceso como urgente pero complejo debi na diferente contexto huridico, organisatorio y procedemento den cada pais.

Ademas e discusionnan a enfoca riba coordinacion di uso di datonan hudicial pa emision di Certificadonan di Conducta (Verklaring Omtrent het Gedrag, VOG). Hulanda tin como meta pa lansa un consulta publico na comienso di 2026 riba concepto di legislacion cu ta permiti intercambio di datonan hudicial entre Hulanda Europeo y e parti Caribeense di Reino pa metanan di VOG. Amiendanan legislativo paralelo ta ser prepara den e otro paisnan.

Manera ta custumber, e ministernan a revisa plannan anual, relato, presupuesto y pronosticonan di varios instituto conhunto, entre otro RST, Oficina di Fiscal General, OM Carib, Consejo pa Aplicacion di Ley, Corte Comun di Husticia y Fundacion pa Maneho di ICT den Aplicacion di Ley (SBIR).

Caminda tabata posibel, Hulanda a provee aprobacion formal pa e documentonan aki durante e reunion. Den casonan caminda no a yega na consenso ainda entre tur pais, ministernan a urgi pa resolucion rapido pa garantisar continuidad y funcionamiento stabiel di e institutonan aki.

Ademas di e puntonan di agenda formal, e JVO a bay compaña pa un retiro strategico cu a permiti ministernan participa den discusionnan mas amplio y cu ta wak pa futuro. Topiconan a inclui e importancia strategico di e Colegio di Hefenan di Polis y e necesidad pa mantene posicionnan di informacion fuerte pa contraresta crimen organisa.

E proximo Justitieel Vierpartijenoverleg ta programa pa 3 di september 2026 na Corsou, caminda tambe ta plania un otro sesion strategico. Ministernan tin confiansa cu dialogo y cooperacion continuo lo sigui fortalece husticia y seguridad den henter Reino.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart-Boekhoudt

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)

Leo Maduro
Dilma Arends
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Dia Internacional di Hende y Mucha Muhe den Ciencia: Dicon Aruba su futuro ta depende di inclusion

Tur aña riba 11 di februari, mundo ta observa Dia Internacional di Hende- y Mucha Muhe den Ciencia, un dia estableci pa Nacionnan Uni pa promove acceso completo y igual na ciencia pa hende muhe y mucha muhe.

E observacion ta tanto un celebracion como un yamado pa accion. A pesar di progreso den educacion y investigacion, ciencia y tecnologia ainda no ta refleha e diversidad di e sociedadnan cu nan ta sirbi. E desbalansa aki no ta solamente un cuestion di husticia, pero uno cu ta afecta innovacion, resiliencia economico y desaroyo sostenibel directamente.

Pa Aruba, e mensahe di e dia aki ta carga un peso particular. Como un isla chikito cu recurso humano limita, Aruba no por permiti su mes pa no probecha talento. E futuro di e pais—su habilidad pa adapta na cambio di clima, fortalece sistemanan di salud publico, modernisa su economia y proteha su medio ambiente natural—ta depende mas y mas di conocimiento científico y habilidadnan tecnologico. Ora muhe y mucha muhe ta subrepresenta riba e terenonan aki, Aruba ta perde perspectiva y experticio cu ta esencial pa progreso a largo plaso.

Dia Internacional di Hende Muhe y Mucha Muhe den Ciencia a ser crea pa pone atencion riba e bareranan cu ta sigui limita participacion igual. Di acuerdo cu Nacionnan Uni y UNESCO, avansa igualdad di genero den ciencia ta esencial pa solucionacion retonan mundial, for di sostenibilidad ambiental te na innovacion den cuido di salud. E metanan global aki ta resona fuertemente na nivel local. Den estadonan insular manera Aruba, e impactonan di riesgonan di clima, dependencia di energia, y scarsedad di recurso ta inmediato y tangibel, loke ta haci capacidad científico local especialmente importante.

Globalmente, hende muhe ta subrepresenta den hopi disciplina di STEM. UNESCO ta calcula cu hende muhe ta conta pa solamente alrededor di 35% di graduadonan di STEM rond mundo, un cifra cu a keda pa gran parti sin cambio pa añanan. Esaki



ta importante pasobra educacion ta e punto di entrada principal den careranan científico y tecnologico. Ora menos hende muhe ta studia materianan di STEM, menos hende muhe ta drenta institutonan di investigacion, companianan di ingenieria, companianan di tecnologia y sectornan impulsa pa innovacion. E resultado ta un ciclo den cual e voznan di hende muhe ta subrepresenta den tumamento di decision, liderazgo y produccion di conocimiento.

E motibonan tras di e buraco aki ta masha poco biaha tocante habilidad. En bes di esey, nan ta ser forma pa expectativanan cultural, exposicion limita na modelonan, curashamento desigual den klasnan, y stereotiponan cu ta yama ciencia y tecnologia como areanan masculino. Hopi mucha muhe ta asimila e mensahenan aki trempnan den bida. Hasta ora nan tin bon prestacion academicamente, nan por cuminsa duda si ciencia ta “pa nan.” Cu tempo, e dudanan aki ta influencia escogencianan di materia y trayectonan di carrera, loke ta conduci na perdida di científico, ingeniero y inovadornan potencial.

E experiencia di Aruba ta refleha tanto reto como oportunidadnan. Un indicador alentador ta bin di datonan di Instituto pa Estadistica di UNESCO, raporta pa medio di Banco Mundial, cu ta muestra cu na 2016 hende muhe tabata forma 53.96% di personal academico avansa na Aruba. Esaki ta sugeri cu hende muhe ta hunga un rol fuerte den enseñansa superior riba e isla. E visibilidad di hende muhe como docente, investigador y lidernan academico por tin un influencia poderoso riba hobennan.

Mirando hende muhe den e rolnan aki ta yuda desafia stereotiponan y ta muestra cu careranan científico y intelectual ta alcansabel.

Na mesun momento, Aruba ta confronta limitacionnan den e disponibilidad di datonan detaya y publicamente accesibel riba participacion di genero den terenonan specifico di STEM. No ta semper facil pa haya informacion actualisa tocante cuanto hende muhe ta graduando den ingenieria, ICT, matematica of ciencia fisico, of cuanto ta trahando den ocupacionnan científico y tecnico. E falta di visibilidad aki ta haci'e mas dificil pa sigui progreso y identifica buraconan. Datonan ta hunga un rol crucial no solamente den trahamento di politica, pero tambe den formacion di percepcion publico. Ora storianan di exito y tendencianan ta visibel, nan por inspira confiansa y ambicion bou di mucha muhe y muhenan hoben.

E importancia di hende muhe y mucha muhe den ciencia ta specialmente cla den e contexto di resiliencia di isla. E retonan di desaroyo di Aruba ta estrechamente mara na experticio científico y tecnico. Mancha sistemanan di awa y energia, proteha ecosistemanan costal, fortalece cuido di salud, y responde na cambio di clima tur ta depende di conocimiento y innovacion local. Cambio di clima, en particular, ta trece riesgonan significativo pa islanan chikito, loke ta haci esencial pa construi y retene capacidad científico na cas. Exclui hende muhe for di e terenonan aki ta debilita e capacidad ey, mientras cu inclusion ta fortalece esaki.

E cambio mundial pa digitalisacion y economianan

basa riba dato ta reforsa mas ainda e necesidad pa igualdad di genero den STEM. Segun cu tecnologia ta remodela mercadonan laboral, paisnan cu no ta logra prepara hende muhe pa e rolnan aki ta core riesgo di amplia desigualdad economico y limita crecemento. Pa Aruba, construi un forsa laboral STEM diverso y capacita no ta solamente un meta social, pero uno strategico.

Cambio significativo ta rekeri esfuerso sosteni. Encurasha mucha muhe pa sigui ciencia ta nifica duna exposicion trempnan na materianan STEM, aumenta e visibilidad di hende muhe den careranan científico, y sostene studiantenan na puntonan clave di transicion den nan educacion. E ta nifica tambe fomenta ambientenan di enseñansa caminda confiansa ta ser construi y caminda lucha ta ser compronde como parti di e proceso científico, no como un señal di fracaso.

Finalmente, Dia Internacional di Hende Muhe y Mucha Muhe den Ciencia ta tocante mas cu reconocimiento. Ta trata di forma un futuro den cual progreso científico ta refleha e talento completo di sociedad. Aruba ya caba ta muestra señalnan prometedor, incluyendo representacion femenino fuerte den enseñansa avansa. E reto awor ta pa zorg pa mucha muhe lanta mirando ciencia no como un excepcion, pero como un caminda habri. E innovacion cu Aruba lo mester den e añanan binidero por ta tumando forma caba den e klasnan di awendia. Percura pa mucha muhe tin e sosten necesario pa sigui nan curiosidad no ta solamente un inversion den igualdad, pero den futuro di e isla.

Fraccion di MEP a reuni cu Camara di Comercio relaciona cu posibilidadnan petrolero pa Aruba

“Ta importante pa hunto explora e oportunidadnan economico nobo pa Aruba”

Fraccion di MEP ta reuniendo cu stakeholders tocante e posibilidadnan di industria petrolero pa Aruba. Meta di e reunionnan ta pa comparti informacion, y pa haya sa e pensamento y sentimento di stakeholders.

Despues di a reuni caba cu algun representante di trahadornan di sector publico y semi-publico, representantenan di e fraccion a reuni cu Camara di Comercio. Durante e reunion Fraccion di MEP a enfatisa cu desde 3 di januari 2026 tur cos a cambia pa Aruba, debi cu desaroyo di energia petrolero cu no tabata posibel pa hopi aña, desde e fecha aki no ta un estorbo mas. Es mas, Merca tin pensa di inverti 180 pa 200 bion dollar den industria petrolero



di Venezuela, mirando e gran potencial di Venezuela. Y den esaki Aruba por hunga un papel unico y hopi importante, y por probecha di extra entrada, segun un comunicado di partido MEP.

“Nos no ta papiando di habri un refineria nobo na Aruba. Nos ta papiando di e posi-

bilidad di lease e tankinan di almacena crudo na Aruba, na companianan cu ta buscando tanki pa almacena e crudo. Aruba ta geograficamente ideal pa e tipo di comercio aki, y e lo no haci un impacto grandi riba nos infraestructura of medio ambiente. Ademas, tin companianan cu ta dispuesto pa inverti den drecha



tur e tankinan y asina por almacena mas crudo.

“Mirando cu e desaroyo aki ta di impacto abou, pero di balor haltu, fraccion di MEP ta di opinion cu no mester laga e oportunidad aki pasa bay. E ta un forma relativamente senciu cu Aruba por haya mas entrada, y diversi-

fica nos economia, sin cu e mester costa pais Aruba mes nada. Tabata un bon reunion y mi ta gradici Camara di Comercio pa nan presencia. Desde oposicion nos ta scucha y aporta na progreso di nos pais”, tabata palabranan di lider di Fraccion MEP Evelyn Wever-Croes.

Trabao di construccion di studentenflat den Oranjestad a inicia

Den cuadro di e proyecto di renobacion di e antiguo edificio di Ministerio Publico cu ta forma parti di e trayecto di renobacion y revitalisacion di centro di Oranjestad, dialuna atardi a inicia cu construccion di e studentenflat den centro di Oranjestad, marcando un paso importante den e ehecucion di e proyecto y den e meta pa revitalisa e centro di Oranjestad.

Segun minister Geoffrey Wever, “Gobierno a dicidi riba mi peticion pa traspasa e edificio aki na FCCA bao di e condicion cu FCCA ta converti e edificio aki den un studentenflat di mas o menos 25 apartamento pa estudiante y riba e promer piso un espacio pa un restaurant of bar.” El a agrega cu “unabes cu e studentenflat aki keda cla nos lo tin mas o menos 25 estudiante



ta biba den e centro di Oranjestad, cu lo duna un ambiente completamente nobo na

nos centro di ciudad.”

Desde 2022 Minister Geof-



frey Wever, FCCA y Universidad di Aruba a yega na un palabracion a base di cual Gobierno di Aruba lo traspasa e edificio di Ex-OM den centro di Oranjestad pa FCCA, y cu FCCA lo renoba e edificio aki den un studentenflat pa asina e studiantenan di Universidad di Aruba por biba den centro di Oranjestad y ta cerca di Universidad di Aruba. Segun FCCA, e proyecto aki ta forma parti di

un vision mas amplio pa por reutilisa edificionan existente y preserva nos patrimonio historico. E disponibilidad di vivienda pa estudiante den un ubicacion central no solamente ta yuda reduci presion financiero riba e estudiante, pero tambe ta crea un ambiente mas stabiel y adecua pa su desaroyo academico y personal.

Ministerio di Innovacion ta cuminsa cu fase 1 di implementacion di E-Government

Ministerio di Innovacion, bao liderazgo di minister Gerlien Croes, ta anuncia cu e prome paso concreto pa implementacion di e sistema Unified eXchange Platform (UXP) lo cuminsa oficialmente.

E sistema UXP lo ser hospeda den e Data Center di SETAR y ta facilita intercambio sigur

y standarisa di dato entre sistema di informacion den sector publico. E plataforma ta garantisa cu cada institucion ta keda doño di su propio data, cu acceso controla y comparticion eficiente entre departamentonan, sin duplicacion innecesario di base di dato ni riesgo pa privacidad.

Durante e prome fase di im-

plementacion cu lo tuma luga den e lunanan binidero, servicionan den e siguiente tres departamentonan lo wordo interconecta:

CENSO;
DIMAS;
DIMP.

E interconexion inicial lo contribui na reduccion di proceso manual, eliminacion

di ripeticion innecesario di informacion y mehoracion di e calidad y velocidad di servicio publico pa ciudadano y compania.

E introduccion di UXP ta representa un pilar importante den e desaroyo di e-Government di Aruba. Por medio di facilita intercambio confiable di dato entre depar-

tamentonan, e sistema ta crea e base pa servicio digital mas integra, eficiente y orienta riba e ciudadano.

Cu e paso aki, Ministerio di Innovacion ta confirma su compromiso pa construccion di un sector publico mas moderno, sigur y conecta, prepara pa e demanda digital di futuro.



Cuminsando cu 4 florin, bo por gana e suma grandi aki

Afl. 160.000,-

Obtenibel na cualkier rebendedo di Lotto.

sorteo ta awe nochi 7:45 pm



HUNGA AWO



Chatbots ta duna mal conseho di salud, segun investigacion ta conclui

(AFP)—Otro biaha bo pensa di consulta Dr. ChatGPT, kisas reconsidera. A pesar cu e por pasa mayoria examen di licencia medico, chatbots di inteligencia artificial no ta duna hende miho conseho di salud compara cu si nan usa metodonan tradicional, segun un estudio publica dialuna.

“Pashentnan mester ta consciente cu puntrando un modelo di lenguahe tocante nan sintomanan por ta peligroso, y nan por duna mas diagnosis y no reconoce ora mester ayudo urgente,” Rebecca Payne di Oxford University a bisa.

E equipo di investigadornan kier a haya sa con exitoso

hende ta ora nan usa chatbots pa identifica nan problema di salud y si nan mester consulta un dokter of bay hospital. E equipo a presenta casi 1.300 participante basa na Reino Uni cu dies diferente caso, manera dolor di cabes despues di consumi di alcohol, y mama sintiendo cansa of kico ta sinti pa tin piedra den galblaas.


Despues e investigadornan a asigna e participantenan un di e tres chatbots: GTP-4o di OpenAI, Llama 3 of Command R+ di Meta. Tambe tabatin un grupo di control cu a usa motornan di buskeda riba internet.

Hende usando chatbots di AI por a identifica nan problema di salud casi un di cada

tres biaha, mientras apenas apenas 45% a identifica nan problemanan cu e metodo tradicional. Esaki no tabata miho cu e grupo di control, segun e estudio, publica den Nature Medicine Journal.

E investigadornan a nota e disparidad entre e resultadonan decepcionante aki y con chatbots di AI ta hopi exitoso riba examennan medico, culpando e buraco riba un deterioro di comunicacion.

No manera e interaccionnan simula frecuentemente usa pa test AI, hende real no sa duna chatbots tur informacion relevante. Y tin biaha e persona no por interpreta e opcionnan ofreci pa e chatbots, of ta compronde fout



of simplemente ta ignora su conseho.

Un di cada seis adulto Mericano a puntra chatbots di AI tocante informacion di salud al menos un bes pa luna, e investigadornan a bisa, unda ta anticipa cu e cifra ey lo aumenta mientras hende ta adopta tecnologia nobo.

“Esaki ta un estudio hopi im-

portante como cu e ta subraya e riesgonan medico real cu ta presenta pa publico,” David Shaw, un bioeticista na Maastricht University na Hulanda ken no tabata envolvi den e investigacion, a conta AFP.

El a conseha hende pa solamente confia informacion medico di fuentenan confiable.

UN ta adverti di tempo limita pa muchanan di Sudan



(AFP)—E Organisacion di Nacionnan Uni (UN) a bis diamars cu tempo ta cabando pa muchanan desnutri den Sudan y a urgi mundo pa “stop di bira cara.”

Hamber ta plamando den e region Darfur west di Sudan, segun expertonan a adverti siman pasa, unda e guerra entre e ehercito y forsan paramilitar ta lagando miyones den hamber, desplasa y corta for di ayudo.

Expertonan di alimentacion global ta bisa cu limitenan di hamber pa desnutricion agudo a surpasa den algun area di North Darfur, incluyendo Um Baru y Kenoir.

Ricardo Pires, vocero pa e agencia di mucha UNICEF, a bisa cu e situacion tabata empeorando pa muchanan dia pa dia, advertiendo: “Tempo ta cabando pa nan.”

Den algun parti di North Darfur, mas cu mitar di tur mucha ta den desnutricion agudo, el a conta un conferencia di prensa na Ginebra. “Hamber extremo y desnutricion ta surgi den muchanan prome: esnan mas jong, esnan mas chikito, esnan mas vulnerable, y den Sudan e ta plamando,” el a bisa.

Keintura, diarea, infeccionnan respiratorio, cubrimiento di vacuna abao, awa

inadecua y e collapse di sistemanan di salud ta transformando malesanan tratable “den sentencianan di morto pa muchanan cu ya tabata desnutri,” el a adverti.

“Acceso ta birando menos, financiamiento ta desesperadamente corto y bringamento ta intensificando.

“Mester duna acceso humanitario y mundo mester stop di bira cara pa e muchanan di Sudan.”

Desde april 2023, e conflicto entre e ehercito Sudanes y e Rapid Support Forces a mata dies miles di hende, desplazando 11 miyon y a causa loke UN ta yama un di e crisisnan humanitario mas malo na mundo.

Shible Sahbani, e representante di WHO na Sudan, a bisa cu e pais tabata “enfrentando varios brote di malesa: incluyendo colera, malaria, dengue, sarampi, ademas di desnutricion.”

Na mesun momento, trahadornan y infraestructura di salud ta keda blanco di e atakenan, el a conta reporteronan.

Desde cu e guerra a cuminsa, WHO a verifica 205 atake riba cuido di salud, resultando den 1.924 morto.

Y e atakenan ta bira mas mortal aña tras aña.

Na 2025, 65 atake a causa 1.620 morto, y den e prome 40 dia di e aña aki, cuatro atake a resulta den 66 morto.

Combatiendo a intensifica den e region sur di Kordofan. “Nos mester ta proactivo y pre-posiciona material, pa desplega nos equiponan riba tera pa ta prepara pa cu alquier situacion,” Sahbani a bisa. “Pero tur e planificacion aki...e ta un gota chikito den un lama grandi.”



Orario di servicio diaranson 11 di februari 2026

En conexion cu un reunion obligatorio pa su empleadonan, Banco Central di Aruba (BCA) ta informa cu e lo ta sera pa publico Diaranson, 11 di februari 2026 entre 8:30 di mainta pa 12:30 di merdia. BCA lo ta habri bek pa publico na e horario usual parti atardi entre 1:00 di merdia pa 5:00 di atardi.

Aruba, 9 di februari 2026
Banco Central di Aruba

Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Sint Maarten:

Alex Dijkhoffz ta busca pa anula caso y ta desafía acusacion di soborno den caso Jasmine

(TheDailyHerald) - “Mi nunca a pensa cu mi lo mester defende mi mes den corte pa cosnan cu supuestamente mi a haci 10 aña atras. Te ainda mi no por kere cu mi ta aki,” acusado Johan “Alex” Dijkhoffz a bisa hues diahuebs despues di ricibi e derecho di papia na clausura di e audiencia di 4 dia den e caso di Jasmine.

Ministerio Publico (OM) a acusa Dijkhoffz di soborno cu abuso di poder di ex minister di Vivienda Social, Plan, Medio Ambiente y Infraestructura (VROMI), Christophe Emmanuel, a comenta en conexcion cu e manera cu a mancha e permisionan di construccion.

Defensa di Dijkhoffz a argumenta cu OM den e supuesto investigacion “Jasmine” mester ta declara inadmissible, acusando violacionnan serio di procedura y violacion di derechonan fundamental durante e investigacion criminal.

Durante procesonan di corte, abogado di defensa Safira Ibrahim a usa un obheccion preliminar, declarando cu un entrada hudicial den 2022 na Dijkhoffz su residencia na Porto Cupecoy no tabata

documenta propiadamente den e caso di Jasmine. Segun defensa, e caso tin falta di autorisacion hudicial pa drenta e propiedad, ademas di reportnan oficial cu ta detaya e articulonan confisca y resultado di e buskedanan.

Defensa ta argumenta cu esaki ta constitui “un eror den procedura” bao Artikel 413 di Código di Procedura Criminal. Ibrahim a argumenta cu e supuesto fayonan aki ta den violacion di Dijkhoffz su derecho na privacidad bao Artikel 8 di European Convention on Human Rights (ECHR) y su derecho na un huicio husto bao Artikel 6 di e convenio aki. Como resultado, defensa ta pidiendo pa OM declara e caso inadmissible, of di otro manera pa tur evidencia coencta na e entrada hudicial keda exclui.

E investigacion Jasmine a surgi for di investigacionnan anteriore tocante irregularidadnan na VROMI. E investigacion inicial “Begonia”, a cuminsa den 2018 despues di un carta for di e minister di e tempo aki Miklos Giterson.


Durante e investigacion aki, investigadornan aparentemente a descubri email cu ta sugeri cu ex minister di VROMI Christophe Em-

manuel a acepta pago a cambio di permiso pa construccion. E resultadonan aki a causa cu fiscalnan a habri e investigacion Jasmine den 2020, examinando soborno sospecha conecta cu e permisionan y proyectonan involucrando companianan priva.

Fiscalnan ta acusa cu combersionnan di WhatsApp entre Emmanuel y Dijkhoffz ta indica posible coordinacion tocante solicitacion di permiso, incluyendo dialogo tocante atrasa of apresura aprobacionnan. Investigadornan tambe a señala na un transferencia den 2017 di casi 15.000 dollar for di un solicitante di permiso na un compania conecta na Dijkhoffz, cual nan ta sospecha por ta conecta na e supuesto plan. Defensa ta desafía e conclusionnan aki.

Ademas di desafía e legalidad di e pasonan investigativo, defensa a argumenta cu Dijkhoffz su derechonan a keda viola pa atrasonan excesivo den e caso. E investigacion Jasmine a experiencia un pausa largo entre 2020 pa comienso di 2022 a causa di escasez den capacidad, mientras e ofensanan cu ta acusa a tuma luga for di 2016 pa 2018.

Segun defensa, e tempo cu a pasa entre e eventonan acusa, e entrada hudicial den 2022 y e procesonan andando a debilita Dijkhoffz su habilidad di corda cierto detaye y defende su mes apropiadamente. Ibrahim pa e motibo aki a pidi reduccion significativa di e sentencia den caso cu corte sigui cu e caso y impone un sentencia den caso cu Dijkhoffz keda declara



culpable pa corte.

OM ta mantene cu e investigacion ta legal y cu e evidencia cu a haya den investigacionnan anterior por ser usa den e caso Jasmine.

Jonathan Schoop ta keda bao detencion memey di investigacion pa arma di candela

(CuraçaoChronicle) - Miho conoci como **hungador di basketball Curasoleño, Jonathan Schoop ta keda bao detencion como parti di un investigacion andando tocante posesion di arma di candela ilegal riba e isla.**

Schoop ta un di 5 sospechoso cu te ainda ta bao detencion en conexcion cu e caso. 4 otro individuo cu inicialmente a keda deteni desde e tempo aki a keda libera a causa di falta di suficiente evidencia.

E investigacion a cuminsa na fin di januari despues di un operacion policial banda di Rooseveltweg. Durante inspeccion di vehiculo, oficialnan a descubri dos arma di candela dentro di SUV. Buskeda consecuente a termina den recuperacion di dos arma di candela adicional na un residencia na Mexicoweg, treciendo e total di arma di candela confisca na un total di 4.

Autoridadnan te ainda no a revela mas detaye tocante e acusacionnan specifico ni e rol di cada sospechoso mientras e investigacion ta sigui. Schoop su detencion continuo ta nifica cu e

no lo forma parti di e ekipo di Reino pa competi proximo luna na Miami, den World Baseball Classic (WBC). Su ausencia a keda confirma diabierna mainta ora cu Major League Baseball a publica e roster di su ekipo oficial.

Schoop, ken a construi un carera internacional den Major League Baseball y ta un di Corsou su atletanan mas prominente, awo ta enfrenta incertidumbre legal mientras e investigacion ta sigui cana. E caso a hala atencion publico significante ambos na nivel local y internacional.



ONDER CURATELE STELLING

Bij beschikking van 9 februari 2026 behorende bij AUA 202503815 EJ van het Gerecht in Eerste Aanleg van Aruba, is onder curatele gesteld dhr. Roy Egbert de Cuba, geboren op 28 december 1947 in Aruba. Benoemd als curator is zijn zoon, Roberto Carlos de Cuba, geboren op 6 juni 1984 in Colombia en wonende in Aruba.

De curator,

Roberto Carlos de Cuba

Menos estudiante nobo na universidadnan Hulandes

Reduccion mas visibel entre studiantenan internacional

(NLTimes) – Universi-
dadnan Hulandes a bolbe
inscribi menos estudiante
nobo e aña academico aki.
E cantidad di studiantenan
nobo di bachelor a baha cu
mas cu 3% compara cu aña
pasa. E admision na univer-
sidadnan di ciencia aplica
tambe a baha un poco, NOS
ta informa, basa riba cifran-
an nobo di institutonnan di
enseñansa superior.

Na universidadnan, e bahada tabata principalmente debi na menos estudiante internacional. E cantidad ey a baha di 3.6%, cu e bahada ta mas visibel den inscripcion di otro paisnan Europeo. E cantidad di studiantenan nobo for di Hulanda a baha cu 3.3%.

Universidadnan Hulandes a mira un inscripcion mas abou tur aña for di 2020. Se-

gun UNL, un organisacion ci ta coordina 14 universidad Hulandes, e bahada den studiantenan Hulandes ta debi na menos graduado di enseñansa pre-universitario (VWO) na 2025 y mas hoben cu ta opta pa un aña di descanso di estudio.

E bahada di studiantenan internacional ta resultado di medidanan cu universidadnan y gobierno a tuma durante ultimo añanan. Universidadnan no ta recluta mas den exterior, y algun ta adverti studiantenan prospecto tocante scarsedad di vivienda den nan ciudadnan. Gabinete demisionario Schoof I a descurasha activamente e internacionalisacion di enseñansa superior, entre otro, door di limita e cantidad di cursonan cu ta ser duna na Ingles.

Universidadnan ta anticipa cu

e inscripcion lo baha cu casi 10 % durante e proximo decada. “E bahada no ta un escenario di futuro mas, sino un realidad,” presidente di UNL, Caspar van den Berg, a bisa. Di acuerdo cu Van den Berg, un “strategia di talento di invitacion” ta necesario pa reverti e tendencia aki. E ta aplaudi e plannan di e coalicion nobo pa esaki.

Universidadnan di ciencia aplica tambe a mira un bahada leve den e cantidad di studiantenan nobo. Inscripcion a baha cu 0.6% compara cu e aña anterior, aunke e cifranan ta varia considerablemente pa programa.

Programanan di formacion di maestro (PABO) a mira un otro aumento grandi den studiantenan nobo. Despues di un crecimiento fuerte aña pasa,



7.6% mas estudiante nobo a inscribi e aña aki. 6.200 alumno ta inscribi awor pa bira maestro di scol basico. Segun Maurice Limmen, presidente di e Asociacion di Universidadnan di Ciencia Aplica, esaki ta relaciona cu e esfuerso inverti den añanan recien pa haci enseñansa primario mas atractivo.

Na mesun momento, tabatin un bahada significativa den programanan di formacion di

maestronan despues di scol secundario. Limmen kier pa pone mas atencion pa haci e programa aki mas atractivo.

E bahada mas grandi a ser mira den ciencia y tecnologia. Programanan di ICT, en particular, a ricibi menos aplicacion, aunke ainda tin un scarsedad significativa di profesionalnan di ICT den e mercado laboral.

Hulanda ainda den top 10 pais menos corrupto, a pesar di e pio puntuacion ricibi te awor



(NLTimes) – Hulanda ta
keda un di e dies pais me-
nos corrupto na mundo,
pero a perde oportunidad-
nan pa mehoracion den
ultimo aña, segun Trans-
parency International
(TI). E organisacion sin
fin di lucro a duna Hulan-
da un puntuacion di 78, e
mesun puntuacion riba
su ranking anual cu e aña
anterior, y e puntuacion di
mas abao di e pais te awor.
Segun TI, Hulanda tin e
potencial pa bira un “pais
modelo,” pero varios “de-
bilidad mester ser atendi.”

Hulanda ta keda na di ocho lugar den e Indice Internacional di Percepcion di Corupcion, pero TI ta critico riba desaroyonan den e pais. Segun e organisacion, e Gabinete Schoof I a pone presion riba e estado di derecho democratico door di recurri na ley

di emergencia y “a acelera e erosion y desacreditacion di sociedad civil.

TI tambe a critica gobierno Hulandes pa sistematicamente no cumpli cu e Ley di Gobierno Habri (Woo). Esaki tambe tabata un problema cu e Gabinetenan di Rutte. Adem as e organisacion a lanta preocupacionnan tocante e “falta di transparencia rond di lobbyists y e stakeholdernan tras di companianan.”

A pesar di e critica aki, Hulanda ta compara faborabel cu mayoria otro pais riba e lista. Pa e proximo prome minister, Rob Jetten, y su gabinete, e organisacion ta mira un oportunidad cu Hulanda por reverti e tendencia global.

Esaki lo “duna Hulanda autoridad moral” y hacie mas atractivo pa negoshinan,” asi-

na director Lousewies van der Laan a bisa. “Un clima comercial saludabel cu competencia husto ta exactamente loke companianan ta busca ora di haci inversionnan,” asina e ex-politico, kende a fungi den Parlamento Hulandes pa D66 entre 2003 y 2006, a bisa.

Merca a baha na di 30 lug. Segun TI, cu Donald Trump den e White House na 2025, e pais “a cambia di un luchador contra corrupcion mundialmente pa un catalisador p’e.” TI ta profundamente preocupa pa e uso di presion politico pa silencia prensa, e normalisacion di conflictonan di interes y politica transaccional, y minamento di poder hudicial independiente.

Varios pais desaroya awor ta pio den e ranking cu nan tabata dies aña pasa. Durante e periodo aki, Hulanda a perde cinco punto (di 83 pa 78), Reino Uni 11, y Belgica ocho. E nivel actual ta esun di mas abao pa Hulanda.

Dinamarca ta na cabes di e lista cu 89 punto, sigui di cerca pa Finlandia, cu a score un punto mas abao. Sur Sudan y Somalia ta comparti e ultimo lug.

15 persona aresta na Hulanda pa propaganda di Estado Islamico riba TikTok

4 ta menor di edad

(NLTimes) - Autoridad-
nan Hulandes a detene
15 persona diamars pa
supuestamente fomenta
actonan terrorista riba
TikTok y plama propa-
ganda pa Estado Islamico
(IS), polis ta informa. E
sospechosonan, di 16 pa
53 aña di edad, a keda de-
teni den varios region den
henter e pais. Cuater di e
sospechosonan ta menor
di edad.


E investigacion a cuminsa na augustus 2025, ora cu e unidad di polis di Den Haag a identifica un cuenta di TikTok cu ta comparti videonan di IS cu subtitulo Hulandes. E contenido a promove join e lucha y a glorifica martirio. Algun publicacion a ricibi mas cu 100 mil bista. Otro cuentanan a intercambia cu e contenido, amplificando e alcance di e propaganda.

Polis a bisa cu e sospechosonan ta ser investiga pa instigacion pa comete ofensanan terrorista, distribucion di propaganda di IS, y/of participacion den un organisacion terrorista. Diestres di e individuanan aresta tin nacionalidad Sirio, mientras cu cuater ta ciudadanonan Hulandes. Instancianan hudicial den henter Hulanda a realisa e

detencionnan. E unidad di Den Haag a haci cuater detencion, unidadnan di Rotterdam y Limburg dos cada uno, Noord-Holland dos, Amsterdam uno, Zeeland-West-Brabant uno, Noord-Nederland uno, Oost-Nederland uno, y Midden-Nederland uno. E sospechoso principal den e caso ya a ser aresta dia 20 di januari 2025.

Ministerio Publico na Den Haag a coordina e detencionnan. E casonan awor lo ser traspasa pa e fiscalnan local concerni. Autoridadnan a bisa cu e investigacionnan lo sigui, y no ta descarta mas detencion.

“E difusion di propaganda di IS ta castigabel pa ley,” Ministerio Publico y polis a bisa. “Glorifica y plama propaganda ta mina seguridad publico seriamente. Ta p’esey polis y Ministerio Publico ta actua contra esaki.”



Ecuador: Alcalde di Guayaquil y dos di su ruman homber aresta den un investigacion riba crimen organisa

(Infobae) - Aquiles Alvarez a ser aresta na Guayas den un caso di presunto labamento di placa y ta ser transferi pa Quito pa e proceso formal di condenacion.

E alcalde di Guayaquil, Aquiles Alvarez, a ser aresta hunto cu dos di su ruman homber como parti di un investigacion di crimen organisa cu e fin di labamento di placa y fraude fiscal, den un operacion cu a tuma luga mainta trempan 10 di februari 2026 bao encargo di e Ministerio Publico y e Polis Nacional.

E aresto a tuma luga den provincia di Guayas y ta forma parti di e caso yama Goleada, un proceso penal cu, segun Ministerio Publico, ta den fase di investigacion preliminar y ta involucra 11 persona, entre nan Aquiles, Antonio y Xavier Alvarez.

Segun informacion oficial publica pa Ministerio Publico, e ordennan di aresto a ser ehecuta cu e proposito di presenta cargo, despues di varios invasion simultaneo den cual a haya celularnan, USB, computer, placa y documentacion relaciona cu e investigacion criminal como evidencia.

E entidad ainda no a detaya e monton ni e contenido specifico di e documentonan aki, pero a confirma cu e

operacion ta responde na un investigacion structura pa presunto crimen organisa, un figura penal cu ta asumi e existencia di un structura stabiel, division di rol y un proposito economico ilicito.

E aresto di e alcalde a sucede den un contexto politico hopi polarisa y despues di lunas di confrontacion entre Alvarez y e presidente Daniel Noboa. Desde cu a asumi su cargo, e alcalde di Guayaquil—miembro di e administracion Corea—a bira un di e criticonan mas visible di e poder ehecutivo, specialmente riba asuntonan di siguridad, autonomia municipal y maneho di recursonan. E relacion a deteriora rapidamente despues cu e gobierno central a kita di e municipalidad e autoridad riba proyectonan strategico y a cuestiona publicamente e maneho local di servicionan y planificacion urbano.

E conflicto politico aki a bay pasa gradualmente door di e tereno hudicial. Na 2024, Ministerio Publico a habri otro investigacion conoci como e caso Triple A, relaciona cu e presunto benta ilegal di hidrocarbonnan. Den e proceso ey, Aquiles Alvarez a ser señala como sospechoso y, entre otro medida precautorio, a ser ordena pa usa un monitor electronico.

Segun Ministerio Publico, na momento di su aresto den



e caso Goleada, e alcalde no tabata usando e dispositivo, aunke cu e medida tabata ainda na vigor den e caso anterior. E hecho aki a ser informacion oficialmente pa e institucion y a agrega un elemento adicional di gravedad na su situacion legal.

Alvarez repetidamente a mantene cu e proceso legalnan contra dje ta motiva politicamente, como resultado di su conflicto cu e gobierno di Noboa. Sinembargo, e poder ehecutivo a defende e actuacion di e institucionnan di control y a insisti cu Ministerio Publico ta actuando de manera independiente. Te awor, Ministerio Publico no a referi na motivacion politico y a limita su declaracionnan na aspecto tecnico di e investigacionnan andando.

E caso Goleada tambe ta tuma luga den un contexto marca pa un endurecimiento di e retorica di estado contra economia ilegal y crimen organisa, memey di e crisis di siguridad cu e pais ta enfrentando. Desde januari 2024, Ecuador ta pasa door di un conflicto arma interno declara pa e poder ehecutivo, cu a amplia e alcance di accion di e forsan di siguridad y a aumenta e presion politico riba autoridadnan local di ciudadnan grandi, particularmente Guayaquil, un di e epicentronan di violencia criminal.

Den termino institucional, e aresto di un alcalde den funcion cu un perfil politico halto ta constitui un di e episodionan mas sensibel di e ciclo politico actual. Min-

isterio Publico a indica cu e investigacion ta sigui y cu e cargonan forma llo ser presenta den e proximo oranan, unda e evidencia specifico cu ta sostene e acusacion di crimen organisa y labamento di placa lo ser revela. Te e momento ey, e proceso ta keda parcialmente cera, segun loke ley penal ta stipula.

Mientrastanto, e caso ta habri un capitulo nobo den e disputa entre e gobierno central y e poder local na Guayaquil, y ta trece pregunta riba e impacto politico y legal di un proceso penal cu ta involucra un di e alcaldenan mas visible di e pais, den un contexto di desconfiansa publico den institucionnan y un hudicializacion creciente di conflictonan politico.

Senador indigena secuestra na Colombia

(AFP) - Un senador indigena Colombiano a ser secuestra dialuna den un area controla pa guerrillanan, cual ta experimentando un aumento di violencia politico prome cu eleccionnan, segun presidente Gustavo Petro a informa.

Aida Quilcue, 53 aña, a ser captura na su departamento di origen, Cauca, un region marca pa conflicto y cultivacion di cocaína, controla pa disidentenan di e guerrilla disolvi di FARC, Petro a bisa. El a adverti e rebeldenan cu mester liber'e, sino nan ta crusa "un liña cora", cu consecucionnan grave.

E pueblo indigena Nasa, na cual Quilcue ta pertenece, a

biba pa hopi aña bao di menasa constante di gruponan arma den e region.

"Si nan no liber'e, esaki ta un grito di guerra contra henter e pueblo indigena di Cauca y di e pais," Petro a bisa durante un reunion di gabinete transmiti bibo.

"Mester resolve esaki rapidamente, pasobra si no, nan ta crusa un liña cora."

Petro a declara cu Quilcue a ser captura mas o menos 1:00 di mainta ora local.

Segun su yiu muhe, Alejandra Legarda, e senador tabata den un SUV cu dos escolta. Miembronan di un guardia indigena a haya e vehiculo despues, pero sin ningun per-

sona aden, minister di Defensa Pedro Sanchez a agrega riba X. "E buskeda ta sigui."

E sospechosonan principal ta disidentenan cu a separa di e guerrilla FARC despues cu nan a acepta pa desarma bao di e acuerdo di paz di 2016. Quilcue tabata miembro di un grupo opositor cu a uni pa sostene Petro durante e eleccionnan di 2022, den cual el a sali como e prome presidente isquierdista den historia di Colombia.

Na october di e mesun aña, durante e campaña, el a reporta un atake contra dje mientras e tabata stipula pa e Senado.

El a haya un premio nacional pa defensa di derecho huma-

no na 2021, den un di e paisnan mas mortal na mundo pa activistanan di derecho humano.

A declara centenares di mu-

nicipalidad na Colombia na riesgo di violencia den anticipacion di eleccionnan presidencial y parlamentario cu ta tuma luga e aña aki.



Jorge Rodriguez a descarta eleccion na Venezuela te ora logra estabilidad y acuerdo cu oposicion



(Infobae) - E presidente di Parlamento pro-gobierno a bisa cu e regimen ta pushando pa un cambio pa un “economia di mercado liber” pa atrae inversion y a defende e Ley di Amnistia como un mecanismo pa facilita e regreso di miembran di oposicion.

E presidente di Parlamento Venezolano, Jorge Rodríguez, a afirma cu no lo tin eleccionnan na Venezuela den futuro inmediato y cu cualkier convocatorio pa eleccion ta condicional na un proceso previo di stabilisacion politico y acuerdo cu oposicion. Durante un entrevista cu periodista Rob Schmitt di e canal Mericano Newsmax, e vocero chavista y ruman di e presidente interino di e regimen, Delcy Rodríguez, a declara cu e pais ta pasando door di un fase unda e prioridad di gobierno ta restaura normalidad institucional, reduci polarisacion y construi consenso basico prome cu avansa pa un calendario electoral nobo.

E declaracionnan a bin mas cu un luna despues di e captura y extradicion di exdictador Nicolas Maduro pa enfrenta acusacionnan di narcotrafico na Merca, un episodio cu Rodríguez a describi como “hopi traumático”, pero cu, segun e, e pais a mancha cu “madurez”. Den e contexto aki, el a sostene cu gobierno interino ta traha pa stabilisa e situacion interno y avansa un proceso di reconciliacion nacional, mientras bida diario na Caracas ta sigui

relativamente normal. Ora a puntr’e tocante e posibilidad di eleccion den corto plazo, su contesta tabata categorico: “E unico cos cu mi por bisa bo ta cu no lo tin eleccion den e periodo inmediato aki, pasobra mester logra estabilisacion...”. El a splica cu solamente si logra un acuerdo cu tur sector politico riba un calendario ampliamente acepta, y si consolida un clima di convivencia y paz, e pais lo mira un eleccion.

Rodríguez a rechasa e idea cu e posicion aki ta implica un reconocimiento di e ilegitimidad di e eleccion presidencial di 2024, den cual e oposicion a acusa Maduro di fraude contra nan candidato, Edmundo González Urutia, y el a atribui e situacion actual na años di division politico. El a nota cu den combersacionnan cu representantenan di gobierno di Merca, incluyendo senador Marco Rubio, un di e puntonan recurrente tabata e necesidad di estabilidad y respet pa soberania Venezolano. Den e marco aki, el a defende e rol di Delcy Rodríguez como presidente interino, afirmando cu su liderato ta conforme cu Constitucion.

E entrevista tambe a revela un cambio significativo den discurso economico di e partido gobernante, cual anteriormente a purba sin exito implementa socialismo na Venezuela. E funcionario chavista a admiti erornan den aplicacion di e modelo economico, cu a hiba Venezuela na e pio crisis di pobresa den su historia, y a propone un

mente den sector di energia, cu e obhetivo di probecha di e reserva enorme di petroleo, gas y oro den e pais.

Rodríguez a splica cu un amienda reciente na e legislacion petrolero, aproba cu sosten di tanto e partido gobernante como e oposicion, tin como obhetivo posibilidad e explotacion di tereno cu no a ser desaroya y crea condicionnan mas faborabel pa inversion stranhero, specialmente di companianan Mericano. El a afirma cu tin un bon entendimento cu Washington y a anticipa un bishita di e Secretario di Energia di Merca pa profundisa cooperacion. Den e sentido aki, el a sostene cu petroleo Venezolano, ainda bao tera, no ta genera ganashi, y cu e obhetivo di gobierno ta pa transform’e den recurso pa servicio publico y bienestar social.

Riba frente politico interno, Rodríguez a subraya un strategia di reconciliacion basa riba e Ley di Amnistia cu Parlamento ta promove. Ora a puntr’e tocante e posible retorno di lidernan di oposicion cu ta den exilio pa persecucion di e regimen, manera

Maria Corina Machado, lider anti-chavista y ganador di Premio Nobel di Paz 2025, el a evita menciona nomber specifico y a trata e tema den termino general. “A traves di e Ley di Amnistia aki, nos ta stimula tur sector di oposicion cu ta den exterior pa cumpli cu ley pa nan por bolbe na e pais,” el a declara. Sinembargo, el a aclara cu e iniciativa ta exclui esnan cu, segun gobierno, a promove actonan di violencia, yamado pa intervencion stranhero, of accion arma contra Venezuela.

Na fin di e entrevista, Rodríguez a sostene cu e pais ta pasando door di un etapa decisivo. El a afirma cu, despues di varios siman di negociacion intensivo y cambionan acelera, Venezuela ta enfrentando un oportunidad pa redefini su curso politico y economico. Segun su bista, estabilisacion interno, liberalisacion economico y reconciliacion politico ta condicionnan indispensable pa cualkier proceso electoral den futuro y pa e reintegracion di e pais den un arena internacional caracteriza pa cooperacion pragmatico y respet institucional.



ORARIO DI SERVICIO
Carnavalsmaandag

**En conexon cu Carnavalsmaandag
nos lo ta cera riba:
Dialuna, 16 di februari 2026**



Den caso di emergencia por yama libremente nos Storingsdienst na 523-7147.

72 Alegria y Fantasia

SMAC ta anuncia ganadornan den Parada di Mucha!

THE CASINO AT
ST REGIS
ARUBA

GET YOUR
FREE PLAY!
Look For Dushi Carnaval Group
and Scan to WIN!

THE CASINO AT
THE RITZ-CARLTON
ARUBA



CUMPR AWO

Afl. 199
8 piece, 24 oz tall
cup personal
blender

electro ☆

Avenida Milio Croes 41 • T: (+297) 280-0222



23 JAN - 15 FEB

Per Case

f54.50
Special Price

BELGA STAR BEER

SUPER Doit Center

Carnaval
DEALS

*Promocion ta valido tanten cu tin den stock.



Island Asia Store
Av. Milio Croes 122

Nos tin tur cos esencial
pa disfruta
di Aruba su
CARNAVAL 72
sano y den style!

Tel. 583-8888
Biba nos Carnaval!

Diamars SMAC a publica e ganadornan di premionan di Carnaval, cual a inclui 30 categoria cu a varia di miho Bodypiece Campeon pa Best Roadshow.

E ganadornan ta inclui participantenan den e Parada di Mucha na San Nicolas y Oranjestad, unda nos muchanan sigur a disfruta di un dushi ambiente y unda espectraladornan por a mira algun di e carosa y bodypieces mas luhoso y

extraordinario. Den total a conta cu 30 ganador den 30 categoria

Aki ta sigui algun di e categorianan mas grandi y e ganadornan:

Dancing Queen Infantil
Centro di Bario Noord
Ganador: Xena Dijkhoff

Dancing King Infantil
Little Groovers Carnival Group
Ganador: Raheem Hazel

Mini Roadpiece Campeon
TOB Kids Carnival Group
Ganador: Pedro

Roadpiece Campeon
TOB Kids Carnival Group
Ganador: Rio

Best Roadshow
Centro di Bario Noord
Ganador: NTG
Bodyroad Campeon

Little Groovers Carnival Group
Ganador: DJ Booth

Carosa Campeon
Little Groovers Carnival Group
Ganador/Theme: Checklist: Zoe y Cielo su fiesta

Grupo di Aña
Ganador: Empire Kids Carnival Group

Bodypiece Campeon

Champagne Kids Carnival Group
Ganador: Circus Magician

Premio Creativo
Empire Kids Carnival Group
Ganador: E Blenchi

Masa Campeon
Don Flip Carnival Group
Ganador: Royal Dutch Wonders

King of Bands Hubenil
Little Groovers Carnival Group

Ganador: Jaylon Abath

Seccion Campeon
Don Flip Carnival Group
Ganador: De Koninklijke Luchtmacht – Tijger Eskader

Duo Campeon
Don Flip Carnival Group
Ganador: De Koninklijke Luchtmacht – Wingman Duo
Masha pabien na tur ganador!



72 CARNAVAL
Nos tin tur cos!
Corda pasa
cerca nos!

amc unicorn

Mucha muhenan na Gaza ta cuminsa boxeo pa cura heridanan laga pa e guerra

(AFP) - Den ringnan di boxeo traha den santo entre miles di Palestino des-plasa na Gaza, decenas di mucha muhe ta warm up prome cu nan cuminsa pelea bao comando di nan coach.

Osama Ayub antes tabata opera un club di boxeo na Gaza City, te ora cu un atake aereo a destrui esaki conhuntamente cu su cas durante e guerra entre Israel y movimiento Islamico Hamas.

Despues di haya shelter na Khan Yunis, el a opta di pone su habilidadnan den deporte bao servicio di esnan di Gaza cu ta desplasa, yena pa e miles di tent y shelter. "Nos a dicidi di traha dentro di e campamento y ofrece e mucha muhenan un alivio psicologico di e guerra," Ayub a conta AFP.

Tras di dje, algun di e atletanan hoben a enfrenta contra otro den ring rondona pa nan compañeronan, mientras otronan tabata train cerca. "E mucha muhenan ta afecta pa e guerra y bombardeonan; algun a perde nan famia of sernan keri. Nan ta sinti dolor y kier busca un manera di expresa esaki, pues nan a haya den boxeo un manera di expresa nan sentimento," Ayub a comenta.

Ayub awo ta opera e sesionnan di training gratuito aki for di 45 boxeador entre 8 pa 19 aña 3 biaha pa siman, cu feedback positivo di su studiantenan ademas



di e comunidad. Un di nan, Ghazal Radawn di 14 aña, tin speranza di bira campeon y representa su pais. "Mi ta practica boxeo pa desaroya mi personahe, competi contra campeonnan mundial den otro paisnan y hisa bandera Palestino rond di mundo," AFP a bisa.

Un tras di otro, e mucha muhenan a train cu Ayub. Den un Gaza yen di destruccion unda materialnan di construccion ta escaso, Ayub mester a improvisa pa construi su facilidad di training chikito. "Nos a trece palo y a crea un ring di boxeo vi-erkant, pero awo no tin mat ni medida di seguridad," el a bisa.

El a haci yamado na e comunidad itnernational pa sostene e boxeadores y yuda nan bi-aha exterior pa train, "pa fortalece nan confiansa y ofrece nan sosten psicologico."

E blokeo estricto cu Israel a impone na Gaza Strip ta haci e reconstruccion di facilidadnan di deporte particular-



mente complica, mirando cu materialnan di construccion ta rutinariamente rechasa pa oficialnan Israeli.

E agencia di noticia Palestino oficial Wafa a reporta den januari cu un cargamento dona pa China na Gaza su conseho di hubentud y deporte no ta-

bata permiti drenta pa Israel. Cu medicamento, cuminda y fuel tur den poco cantidad, ekipo di deporte ta keda den luga mas abao di e lista di articulo cu por drenta e teritorio Palestino. Rimas, un boxeador di 16 aña, a bisa cu e y su amistadnan a sigui "practica boxeo a pesar di e guerra,

bombardeo y destruccion."

"Nos, e mucha muhenan cu ta practica boxeo, ta spera di haya bo sosten, cu bo lo trece glove y keds pa nos. Nos ta train riba tera y mester mat y demas ekipo," el a bisa den comentario dirigi na e comunidad internacional.

A conclui e reunionnan na nivel tecnico-deportivo cu federacionnan miembro

Despues di algun siman y 12 reunion total cu federacionnan miembro, e departamento tecnico di Comité Olimpico Arubano (COA) a termina cu e prome paso esencial pa cu e proceso deportivo.

Directora Tecnico Monica Fajardo, cu ta lidera Direc-

cion di Deporte (DdD), ta conta un poco di con esaki a bay, y kico ta e proximo paso pa sigui.

Monica y e ekipo di DdD ta gradici tur federacion y entrenador cu ta forma parti di e proceso importante aki, como ta traha pa eleva e nivel di deporte na Aruba.



Australia ta manda advertencia na Roblox

(AFP) - Minister di Comunicacion di Australia a bisa diamars cu el a manda un carta pidiendo un reunion urgente cu gigante Roblox pa motibo di reportahe di explotacion di mucha riba e plataforma.

Alrededor di 100 miyon persona ta usa Roblox diariamente, cu bao di 13 aña responsable pa 40% di e usuarioman den 2024, segun e compania. Sinembargo e tin hopi tempo ta enfrenta acusacion cu e no ta tuma suficiente accion pa proteha muchanan di contenido sexual y violento.

Un rapport den 2024 di Hindenburg Research a describi esaki como un sitio



yen di pedofiel cu ta expone muchanan na manipulacion y pornografia. Riba diamars, Australia su minister di comunicacion Anika Wells a bisa cu el a manda carta na hefenan di Roblox cu urgencia pa nan reuni y splica ki paso nan lo tuma pa mantene muchanan safe online. "Hopi

di boso, mi ta kere, mescos cu mi, probablemente ta sumamente disgusta pa e hecho cu muchanan di te hasta 4 pa 5 aña ta mirando violencia grafico riba e plataforma aki," el a bisa riba emisora nacional ABC.

Wells a bisa cu el a pidi Aus-

tralia su regulador di internet, eSafety Commisisoner, pa explora tuma "medidanan urgente" contra e compania.

Roblox a bisa aña pasa cu e lo implementa reconocimiento di cara of evaluacion di ID pa hungadornan cu kier tin acceso na su funcionnan di chat. Den un declaracion manda na AFP e compania a bisa cu e ta duna bon bini na "e oportunidad pa informa e minister id e pasonan cu lo tuma pa mantene nos comunidad safe."

Un vocero a insisti cu e compania tin "politicnan di seguridad robusto y procesonan pa yuda proteha usuarioman cu ta bay mas aleu cu

otro plataformanan."

Roblox tabata entre varios plataforma, incluyendo Discord, WhatsApp y Lego Play, considera pa ta un excepcion na e ley cu ta prohibi muchanan di menos di 16 aña di tin red social manera Facebook, Instagram y TikTok, cu a drenta den efecto dia 10 di december.

Roblox ta suspendi a otro paisnan incluyendo Qatar, Iraq y Turkia, primeramente a causa di preocupacion tocante seguridad di mucha, mientras cu estadonan Texas y Louisiana a demanda e aplicacion pa mesun motibo.


Ola di calor di 3 aña a bleach mita di e planet su coral reef

(AFP) - Un estudio publica diamars a mostra cu mas cu mita di e coral reef den mundo a bleach entre 2014 pa 2017 - un episodio cu a pone record cu awo ta menasa pa otro serie di ola di calor debastador.

E analisis a conclui cu 51% di e reefnan rond di mundo a mira bleaching modera te grave mientras cu 15% a experiencia mortalidad significante durante e periodo di 3 aña conoci como "Third Global Bleaching Event."

E tabata "e evento di coral bleaching mas amplio y severo cu tin den record," Sean Connolly, un di e estudio su autor y cientifico di alto nivel na Smithsonian Tropical Research Institute a bisa. "Y te ainda, reef ta experimentando actual un Fourth Event mas severo ainda, cual a cuminsa den comienso di 2023," Connolly a bisa den un declaracion.

Ora cu lama ta keinta, coral ta saca un alga microscopico cu ta provee nan color y fuente di cuminda. Al menos cu e temperaturanan di oceano regresa na nivelnan mas tolerable, coralnan cu a bleach no por recupera y eventualmente ta muri di hamber. "Nos resultadonan ta demostra cu e impacto di calentamento di lama riba coral reef ta acelerando, cu certidumbre casi completo cu e calentamento andando lo causa degradacion irreversible di escala grandi di ecosistemanan esencial," e estudio den journal Nature Communications a bisa. Un ekipo internacional di



cientificonan a analisa data di mas di 15.000 encuesta aereo y den awa pa calcula con hopi bleaching a sucede rond di mundo. E dos evento di bleaching global anterior, den 1998 y

2010, a dura mas cu 1 aña. "2014-17 tabata e prome record di coral bleaching global cu a dura hopi mas cu 1 solo aña," e estudio a bisa. "Calentamento di oceano ta aumentando e frecuencia, ex-

tento y con severo e bleaching y mortalidad di coral tropical ta." Australia su Great Barrier Reef por ehempel, a mira stress causa pa calor aumenta cada aña entre 2014 pa 2017. "Nos ta mirando cu reefnan

no tin tempo pa recupera adecuadamente prome cu e proximo evento di bleaching sucede," Scott Heron, profesor na James Cook University na Australia a comenta.

Un rapport cientifico grandi aña pasa a adverti cu e coral reef tropical na mundo probablemente a yega nan "ultimo druppel" - un cambio cu por causa cambio masivo y permanente den mundo natural.

E consensus cientifico global ta cu mayoria coral reef lo muri cu calentamento na 1.5C riba di nivelnan pre-industrial - e limite di largo plaso y ambicioso cu paisnan a pone pa persigui bao e acuerdo di clima di 2015 yega na Paris.

Temperaturanan global a surpasa 1.5C en avarahe entre 2023 pa 2025, e servicio di monitor di clima di Union Europeo, Copernicus, a bisa luna pasa. "Apenas nos ta cuminsando cu analisis di bleaching y observacionnan di mortalidad for di e evento di bleaching actual," Connolly a conta AFP. "Sinembargo, e nivel general di stress causa pa calor tabata extraordinariamente halto, specialmente den 2023-2024, comparable na of mas halto ainda di loke a observa den 2014-2017, por lo menos den algun region," el a declara.

El a bisa cu costa Pacifico di Panama a experiencia "stress causa pa calor dramaticamente pio di loke nan a yega di mira antes, y nos a observa mortalidad considerable di coral."

Google ta tuma debe di cien año pa construi AI

(AFP) - Google-parent Alphabet lo emiti bononan cu madurez den 100 año, mientras cu e compania ta sigui inverti na gran escala den infraestructura pa inteligencia artificial (AI), segun dato publica diamars pa Bloomberg.

Segun e informacion, e gigante di internet di Silicon Valley tin e meta pa recauda mas o menos \$20 bion den total, un parti significativo di esey a traves di emision di bononan cu ta madura na februari 2126. E interes ta asina grandi pa participa den e popularidad di AI cu alrededor di \$100 bion den orden a ser registra pa e debe.

Alphabet no a responde na un peticion pa comentario.

Alphabet y su rivalnan den e careda di AI, incluyendo Amazon, Meta y Microsoft, ta invertiendo cantidadnan enorme den infraestructura pa sostene e tecnologia, sperando cu e inversionnan lo paga su mes.

Sinembargo, reaccion di mercado ta mixto, cu algun inversionista preocupa cu e gastonan por a pasa limite.

Emision di bononan di cien año pa companianan ta poco comun, y specialmente pa Alphabet, cu tin suficiente ingreso di anuncio online pa

cubri inversionnan sin necesidad di recurri na debe.

Pero, e apuro pa lidera den AI a cambia e regla di wega, exigiendo gastonan sin precedente riba centro di dato, generacion di energia y otro infraestructura.

Alphabet a asigna \$91 bion na gasto pa infraestructura di computacion año pasa y a bisa analistanan financiero cu e ta spera di gasta entre \$175 bion y \$185 bion riba esey e año aki.

Pa maneha e crecimiento rapido di gasto, Alphabet a aumenta su debe a largo plazo, incluyendo emision di



bononan di 50 año fin di año pasa.

Aunke bononan di 100 año no ta algo completamente nobo, ya a pasa decadas desde cu companianan Mericano a

haci uso di e tipo di debe ey.

Companianan manera Disney, Coca-Cola, FedEx, Ford y Motorola a usa debe di cien año durante añanan 1990.

India ta fortalece regla riba AI pa plataformanan di red social

(AFP) - India a fortalece diamars e reglanan cu ta regula inteligencia artificial (AI), obligando plataforma di red social pa marca claramente contenido crea pa AI y pa cumpli cu peticionnan di eliminacion di contenido for di autoridadnan dentro di tres ora.

E reglanan actualisa, publica pa Ministerio di Tecnologia di Informacion, lo drenta na vigor dia 20 di februari y ta reduci e periodo pa kita contenido cu ta viola ley local for di 36 ora pa tres ora.

India tin mas cu un bion usuario di internet, y desinformacion crea pa AI ta bira cada bes mas comun den e

pais mas pobla di mundo.

E anuncio ta bin na un momento cu New Delhi ta prepara pa organisa un cumbre global riba AI e siman cu ta bin, cu participacion di presidente Frances Emmanuel Macron y varios otro lider mundial.

E reglanan nobo ta aplica riba contenido “crea, genera, modifica of altera a traves di cualkier recurso di computacion”, excepto den casonan di informacion cu a ser produci como parti di edicion rutinario of di bon fe.

E regla original, publica na 2021, a ser cambia pa obliga plataformanan online manera X, Instagram y Facebook pa



marca claramente dato sintetico of medio manipula pa AI cu señalnan permanente cu no por ser elimina ni suprimi.

E regulacionnan actualisa ta defini dato sintetico como

informacion cu “ta parece real of cu por ser percibi como indistinguible di un persona natural of un evento real”.

Nan tambe ta obligando plataformanan online pa implementa instrumentonan au-

tomatisa pa preveni difusion di contenido ilegal, incluyendo documentonan falsifica y material di abuso sexual.

Año pasa, gobierno a lansa un portal online yama Sahyog — cual ta nifica “cooperacion” na Hindi — cu e meta di automatiza e proceso di manda notificacionnan gubernamental na plataformanan di red social manera X y Facebook.

Lidernan importante den AI y tecnologia digital, incluyendo companianan manera Microsoft y Google, cu ta buscando pa gana usuario den e di cinco economia mas grandi di mundo, a anuncia inversionnan significante na India den e ultimo lunanan.

Lansamento di ISS ta mira retraso atrobe debi na condicion climatico

(AFP) - NASA tin e meta awor pa lansa cuatro astronauta pa e Stacion Espacial Internacional (ISS) diabierna, despues di un otro retraso causa pa condicionnan climatico, segun e agencia Mericano a anuncia diamars. E fecha apunta ta dia 13 di februari pa e despliegue di e mision Crew-12 riba e raket SpaceX Falcon 9, cu un bentana di lansamento cu ta habri 5:15 di mainta ora local.

Condicionnan di clima na e sitio di lansamento na Florida tabata faborabel, segun funcionarionan di NASA a indica durante un sesion in-

formativo dialuna, pero biento fuerte pronostica rond di e resto di e costa oriente di Merca ta e causa principal di e retraso. E biontonan ey por complica maniobranan di posibel emergencia, manera un aterisahe tempran di e capsula cu ta hiba e astronautnan.

Si e lansamento di diabierna sigui segun plania, e astronautnan mester yega na e stacion espacial alrededor di 3:15 diasabra merdia.

Crew-12 ta consisti di Mericanan Jessica Meir y Jack Hathaway, hunto cu astronaut Frances Sophie Adenot y cosmonauta Ruso Andrey Fedyayev.



Accidente cu hende herida na Savaneta

Diamars mainta a drenta informe di un accidente cu hende herida na Savaneta riba e caminda di Sero Alejandro, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata un accidente pa falta di preferencia unda e chauffeur di un Toyota Yaris biniendo for di pabao no a para duna preferencia na e Hyundai Accent biniendo di nort y nan a dal den otro.

Door di e impacto ambos chauffeur a resulta herida mientras e Accent a bay dal riba un cura di cas. Na yegada di e ambulance nan a atende ambos y a transporta un pa Centro Medico y e otro pa hospital.



Bomberonan a sali bay pa un cas na candela na Sero Teishi



Diamars atardi a drenta informe di cu tin un candela na Sero Teishi, mesora a dirigi polis y bomberonan na e sitio.

Na yegada di e patruya a bin compronde cu aki ta trata di un cas di palo bandona y no habita. Na yegada di e bomberonan a nota cu aki ta trata di un cas completamente na candela. Mesora a cuminsa cu un combate duro y directo. Despues di e combate aki a logra domina y paga e candela.

Polis y bomberonan a bay pa un cas na candela den Prinsenstraat

Diadomingo anochi net despues di cu a kima Momito a drenta informe di cu tin un cas na candela na Prinsenstraat, mesora a dirigi tanto polis como bomberonan na e sitio.

Na yegada di polis a percura pa di prome e seguridad di tur esnan eybanda y a halanan for di e sitio. Na yegada di e bomberonan mesora a inicia cu un atake directo pa asina impedi pa e candela pasa na e otro casnan. Despues di un combate bomberonan a logra domina e candela.




Cambio den prijs di productonan petrolero 11 di februari 2026

Minister di Finansa, Asunto Economico y Sector Primario ta anuncia e prijsnan nobo di benta di combustibel entrante 11 di februari 2026:

Gasoline unleaded-premium	: 213,6 cen p/ltr. (+ 2,9 cen)
Diesel ULS	: 192,9 cen p/ltr. (+ 4,4 cen)
Kerosin	: 181,6 cen p/ltr. (+ 6,0 cen)

E prijsnan ta inclui BBO/BAZV/BAVP.



Europa reemplasando Merca den disuasion nuclear “no ta realistico”, segun minister Finlandes

(AFP)—E minister di Defensa Finlandes a conta AFP diamars cu e ta acepta discusionnan Europeo riba un disuasion nuclear mas fuerte den e region pero a bisa cu no tabata realistico “awo” pa reemplasa Merca.

Mientras incertidumbre rondando sosten militar di Merca ta crece den Europa, lidernan Europeo a cuminsa considera con pa atende e falta di un disuasion credibile den e continente. Siman pasa, hefe di politica den exterior di Union Europeo, Kaja Kallas, a conta corant Finaldes Helsingin Sanomat cu mes-ter inicia un discusion riba desaroya Europa su mesun impedimento nuclear.



Francia y Bretaña ta actualmente e unico nacionnan Europeo cu arsenal nuclear. Papiando cu AFP, minister di Defensa Finlandes Antti Hakkanen a enfatisa cu Merca ta keda comprometi pa mantene disuasion nuclear den-

tro di NATO. “Nos ta confia completamente...cu Merca ta completamente comprometi na disuasion nuclear den NATO,” el a bisa, agregando cu paisnan Europeo tabata “tumando e rol di liderazgo den defensa convencional.”

Pero Hakkanen a acepta e discusion riba un “disuasion nuclear mas fuerte den Europeo.”

“Si ta bay tin algun tipo di inversion mas grandi den e disuasion di Francia of Gran Bretaña, esey ta apenas un cos bon,” Hakkanen a bisa, pero a enfatisa cu Europa no tabata capaz ainda pa yega capacidad di Merca.

“Si bo ta papiando tocante con pa compensa disuasion nuclear di Merca, e no ta realistico awor,” el a agrega.

Siman pasa, e trato nobo di START—cual ta limita Merca y Rusia pa desplega un maximo di 1.550 warhead nuclear—a vence, marcando

e prome biaha den decadas cu no tin trato pa limita e posicion di e armanan mas destructivo riba e planeta y a causa miedo pa un otro careda di arma.

E vencemento di e tratado tambe ta marca un fin na acuerdonan di desarmamento nuclear bilateral y un posible cambio pa un orden nuclear mas leve, reforma pa China su poder diplomatico y tecnologico creciente.

Hefe di NATO Mark Rutte a adverti na januari cu Europa no por defende su mes sin Merca despues cu tension tocante Groenlandia a causa yamadonan pa e continente para riba su mesun pia.

Helicopter ta cay na Libia durante evacuacion medico, matando 3



(AFP)—Un helicopter a cay den zuidoost Libia, matando un medico y dos miembro di tripulacion conduciendo un evacuacion medico, segun media estatal a bisa diamars.

Agencia noticiero Libio LANA a bisa cu e helicopter a cay durante oranan di anochi cerca di un base aereo den e region Kufra casi 60 kilómetro noord di e frontera entre Libia y Chad. E aeronave tabata purbando di evacua un soldad cu tabata envolvi den un accidente den desierto, LANA a bisa.

E causa di e accidente di helicopter no tabata conoci inmediatamente y no ta clario a pasa cu e soldad herida. Media Libio ta reporta cu dos ciudadano stranhero tabata entre esnan abordo y a muri,

pero autoridadnan no a confirma esaki.

E base aereo Matan al-Sarra ta ubica den un area bao control di e administracion basa na Benghazi cual ta lidera pa hefe di ehercito Khalifa Hafter, pero autoridadnan den parti oost no a comenta riba e accidente.

Libia ta keda dividi entre e administracion oriente y un gobierno sosteni pa UN den occidente lidera pa prome minister Abdelhamid Ddeibah. LANA ta bao control di e autoridadnan occidental.

Libia a lucha pa recupera for di e caos cu a surgi despues di un rebeldia na 2011 cu a tumba dictador Muammar Gaddafi.

Merca ta opone anexacion di West Bank despues cu Israel ta fortalece control



(AFP)—Presidente Donald Trump ta opone e anexacion di West Bank y kier stabilidad, segun un oficial Mericano a bisa, despues cu Israel a move pa fortalece su control riba e teritorio Palestino ocupa.

Merca, Israel su aliado mas grandi, sin embargo a abstene di critica directamente e movida di gobierno Israeli, cual a causa un coro di condenacion internacional. “Como cu e presidente a declara claramente, e no ta apoya Israel

anexa West Bank,” un oficial di e administracion di Trump a bisa dialuna.

“Un West Bank stabiel ta mantene Israel sigur y ta den cuadra cu e meta di e administracion aki pa logra paz,” e oficial a bisa den respuesta na un pregunta tocante e accionnan Israeli. E gabinete di seguridad Israeli a vota dialuna pa permiti Israelinan Hudiu cumpra tereno den West Bank directamente y pa extende control di Israel riba areanan unda e Autoridad Palestino ta eherce poder.

E ministernan di Asunto Exterior di Saudi Arabia, Jordan, UAE, Qatar, Indonesia, Pakistan, Egipto y Turkia—paisnan cu mayoria Musulman incluyendo varios cu a normalisa relacion cu Israel—a condena e movida “sumamente ilegal.”

Union Europeo a yaa e decision Israeli “un otro stap den mal direccion” mientras cu Secretario-General di UN Antonio Guterres a bisa cu e tabata “extremamente preocupado.”

Nepal su rapper converti den alcalde ta desafia lider veterano

(AFP) - Nepal su rapper cu a converti den alcalde, Balendra Shah, ta preparando pa e lucha politico mas grandi di su bida - un enfrentacion contra lider veterano KP Sharma Oli.

Miho conoci como Balen, el a surgi como un simbolo di cambio politico impulsa pa hubentud despues di sostene manifestacionnan masal contra corrupcion cu a tumba Oli su gobierno aña pasa.

Naci na Kathmandu den 1990, e tabata un estudiante durante Nepal su guerra civil Maoista cu a dura casi un decada entre 1996 pa 2006, unda miles di persona a perde nan bida y e monarkia a caba eventualmente.

Cu training como ingeniero



civil, el a ricibi atencion nacional prome via Nepal su escena di hip-hop 'underground', lansando musica cu tabata papia contra di corrupcion y falta di igualdad.

E temanan aki, e ta bisa, te ai-

nda ta guia su politica, mientras e ta prepara pa eleccion dia 5 di maart den e nacion di casi 30 milyon persona. "Si un persona involucra den politica tambe participa den literatura of musica, e ta bira algo impulsa pa sentimentonan,"



Shah a bisa AFP durante su campaña. "Tambe nos tin cu alimenta e aspecto emocional di nos bida, y un politico mester posee e sensibilidad aki."

Su musica, cual tin miyones di bista online, a yud'e cultiva un grupo di siguidor dedica riba rednan social - un plataforma cu e ta sigui prefera riba media tradicional pa comunica cu su sostenedornan. E popularidad aki a converti den shock politico den 2022 ora cu Shah a bira e prome candidato independiente cu a elegi como alcalde di Kathmandu, impactando Nepal su establecimiento politico.

Como alcalde, el a haya reputacion como un reformista confrontacional, lansando campana di mal maneho contra evasion di impuesto, congestion di trafico y mal maneho di e desperdicio di sushi.

Sinembargo tambe el a haya critica pa implementacion estricto y pa ignora reporteronan a favor di comunica directamente na miyones di siguidor online.

Den januari, Shah a renuncia como alcalde pa postula den eleccion general - e prome desde cu manifestacion masal september ultimo a tumba Oli, un lider Marxista di 73 aña y 4 biaha prome minister.

Na luga di postula for di su base na Kathmandu, Shah a scoge di directamente desafia Oli na Jhapa5-5, un parti aparta cu ta alrededor di 300 kilometer leu di e capital. "Postula contra un figura mayor... ta señalala cu mi no ta tumando e caminda facil," Shah a conta. "E ta demostra cu, a pesar di problemanan y traicionnan cu a afecta e pais, nos ta moviendo den direccion di atende nan."

Den december, Shah a uni

e partido centrista Rastriya Swatantra, lidera pa anfitrión di television Rabi Lamichhane. RSP, cual a bira parlamento su di 4 forsa mas grandi den ultimo eleccion na 2022, a desafia partidonan cu tin desde fin di su guerra civil ta domina e pais.

Si e partido garantiza un mayoria parlamentario, Shah lo bira prome minister. "Nos ta comparti e mesun ideologia," Shah a bisa, describiendo un vision di "un sistema economico liberal cu husticia social," incluyendo educacion gratis y cuido di salud pa esnan di poco recurso.

Shah a surgi como un figura central durante manifestacion di september, cual inicialmente a causa rabia durante un suspension breve riba rednan social. Sinembargo rapidamente esaki a bira un movimiento amplio contra corrupcion y stagnacion economico. Por lo menos 77 persona a perde nan bida durante esaki.

"Gen Z su exigencia number 1 ta bon gobernacion, pa motibo cu tin un alto nivel di corrupcion den e pais," Shah a bisa.

A pesar di su ambicionnan politico, e ta insisti cu musica lo keda parti di su identidad. "Musica ta un manera di por expresa bo mes," el a bisa. "Mi lo sigui esaki, te hasta aunke mi ta elegi como prome minister."



Resultado Sorteo 10 februari 2026			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
3658	6810	3290	4633
3491	6011	SUPER5	5736
6117	7593	-	1587

MERDIA	ANOCHI
 Sorteo # 4887 4410 9658 6913  X2  Sorteo # 4887 6616  FP  Sorteo # 2943 1722  Sorteo # 4887 9908 Cancer  Sorteo # 1761 950  FP	 Sorteo # 8773 5956 2222 5230  X3  Sorteo # 7817 1386  FP  Sorteo # 2522 3717  Sorteo # 6576 4796 Acuario  Sorteo # 1506 691  X2

 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 160.000,-
---	--

 Sorteo # 7093 0 x Jackpot 10 x Match 4 233 x Afl. 8,00	09-20-21-25-29 Proximo Jackpot 53.000,-
--	---

 Sorteo # 1843 0 x Jackpot 3 x match 4 18 x Afl. 500,00 244 x Afl. 50,00 324 x Afl. 15,00	06-15-21-27 Mega Ball 06 Proximo Jackpot 1.000.000,-
--	---

 Afl. 1.525.000,-	 Sorteo # 
---	---

**Cas Di Cultura**

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel: 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

**Dokter na warda**

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Sta. Cruz : Centro Medico:
Tel. 585 8028 Tel. 584 5794

EMERGENCIA 911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

**Aruba Transfer Tour &
Taxi C.A.**
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba

Tel: 587-8850
Tel: 280-2828
Whatsapp: 592-7024

Castigo pa homber cu a insulta rey di Tailandia extendi pa 50 aña

(AFP) - Corte Tailandes a extende sentencia di prison diamars pa un homber condena pa critica e pais su Rey na 50 aña, un di e castigonan mas largo imponi bao e Reino su ley di insulto na famia real estricto, grupo defensor legal a bisa.

Tailandia su ley 'lese-majeste' ta proteha Rey Maha Vajiralongkorn y su famia di critica y ta carga un sentencia maximo di 15 aña pa cada ofensa.

Corte criminal a sentencia Phuritikon Sarakul na 30 aña bao e ley a causa di publicacionnan cu el a haci riba su cuenta di rednan social entre 2021 y 2022, abogadonan di Tai Lawyers for Human Rights (THLR) a bisa den un declaracion.

Den december, e homber di 43 aña cu ta biba pafo di Tailandia a ricibi un sentencia den ausencia na 20 aña den prison pa e mesun ofensa a causa di publicacionnan separa riba internet, e grupo defensor a bisa.

E sentencia combina cu un total di 5 decada den prison ta nifica cu el a ricibi un di e sentencia "mas pisa den historia," TLHR a bisa, referiendo na e ley pa su provision den codigo penal.

Gruponan defensor y criticonan ta bisa cu e ley lese-majeste tin hopi usa pa silenciar pa oposicion politico y oposicion civil. Por lo menos 289 persona a keda acusa bao e ley desde 2020, segun THLR.

Den 2024, un bendedor di paña a ricibi sentencia di 50 aña den prison pa motibo cu el a insulta e monarkia riba su cuenta personal di Facebook. Aña pasa, un ex ambtenaar a ricibi un sentencia di 43 aña bao leyman di lese-majeste, pero a keda libera despues di 8 aña ora cu el a ricibi pordon Real.

E muhe, ken a confesa, a comparti audio online di un podcaster cu a critica e monarkia.

E veredicto mas recien a bini diana despues di un eleccion nacional den cual partido conservativo y pro famia Real a yega un victoria sorprendente, segun resulta-



donan preliminar.

E version anterior di un partido reformista a campaña cu haci amienda na e ley di insulto Real prome cu e ultimo eleccion den 2023. Sinembargo corte constitucional a dicidi e aña despues

cu e promesa aki ta constitui un intento di tumba e monarkia constitucional y a disolve e partido.

E problema tabata ausente di e partido su campaña mas recien y el a keda na di dos lugaden diadomingo su eleccion.

Pronostico di tempo

Tempo:

Awe tardi y awe nochi: parcialmente nubia y generalmente seco
Den marduga y mañan: parcialmente nubia cu un awasero breve

Temperatura maximo 32 grado Celsius

Temperatura minimo 25 grado Celsius

Indice di calor (heat index) den y rond di oranan di merdia: 33 pa 37 grado Celsius
Uv index: 9

Bahada di solo : 6:45pm
Subida di solo : 7:03am

Biento:

Moderado for di direcccionnan entre oost-noordoost y oost-zuidoost; forsa 3 te 4 (12 te 30km/ora, 7 te 16 nudo). Durante di dia basta fuerte te posiblemente fuerte den rafaga; forsa 5 te 6 (31 te 50km/ora, 17 te 27 nudo)

Situacion general di tempo:

Un disturbio den nivelnan mas abou di atmosfera ta move west y lo trece humedad den region. Esaki lo por induci un awasero breve durante e period di pronostico aki. Mas aleu por bisa cu labaderanan modera for di noord lo haci lama poco bruto na e partinan expone di costa. Lama lo baha gradu-



almente pa fin di siman.

Condiccionnan maritimo/ estado di lama:

Na partinan protegi di costa: keto cu olanan rond di 1 pia. Na partinan zuid protegi: tranquil, 1 te 2 pia. Na partinan zuid no protegi: modera te poco bruto cu olanan di 2 te 4 pia, localmente e por jega 5 pia. Na partinan oost te noordwest di costa: modera te poco bruto cu olanan alrededor di 4 pa 6 pia, localmente 7 pia.

Aviso/ alerta:

Un aviso pa lama poco bruto ta na vigor.

Operadornan di boto chikito mester bay cu cautela na partinan oost te noordwest di costa. Tambe usuarionan di lama y landadornan mester bay cu cautela extremo na partinan di costa expone (no protegi) na zuid te zuidwest y tambe noordwest.

Documental riba SDG ta pone urgencia di pobreza y seguridad alimenticio den spotlight

Conseho Social Economic (SER) a facilita diabierna 6 di februari ultimo den su sala di reunion, di forma exclusivo, un proyeccion di e prome episodio di e serie documental The State of the SDGs; Navigating Sustainability on Curaçao.

Miembronan di SER, representantenan di organisacionnan di sociedad civil, partnernan social y otro stakeholdernan a bin hunto pa refleha riba nificacion practico di e Metanan di Desaroyo Sostenibel (SDG's) pa Corsou.

E SDG-nan ta parti di e Agenda 2030 pa desaroyo sostenibel, cu tur pais miembro di Nacionnan Uni a adopta na 2015 y cu ta duna direccion mundial pa accion coherente den areanan social, economico y di medio ambiente. Na Corsou, e cuadro di SDG-nan ta integra den e arkitectura di maneho publico pa medio di e National Development Plan 2015–2030, completa cu un roadmap pa implementacion di SDG-nan cu ta pone enfasis riba imple-



mentacion programa, coordinacion institucional, datonan y monitoreo.

Na inicio di e sesion, Raúl Henriquez, Director y Secretario General di SER, a duna bon bini na e invitadonan — na nomber di e presidente den funcion — y a subraya e rol di SER como plataforma pa dialogo basa riba evidencia entre partnernan social, academiconan independiente y organisacionnan di socie-

dad civil. Segun SER, e reto ta pa haci cu maneho socio-economico no ta keda solamente un aliniacion teorico cu cuadronan internacional, sino cu e ta ser traduci den mehoracionnan real den loka cuidadonan ta experiencia den nan bida di tur dia.

E prome episodio a pone enfasis riba SDG 1 (sero pobreza) y SDG 2 (sero hamber) y a mostra con e metanan aki ta bira visibel den prac-

tica na Corsou. Central den e proyeccion tabata e trabou di e Daily Meal Program, cu ta duna cuminda cayente varios biaha pa siman na hendenan den situacion vulnerabel. Durante e discusion despues di e proyeccion, a bira pa esnan presente cla cu pobreza y inseguridad alimenticio no ta un estadistica, sino un realidad diario pa un parti significativo di nos poblacion, caminda personanan di edad mayor ta esnan mas vulnera-

bel pa falta di suficiente medionan financiero y otro obstaculonan manera exclusion digital, cu ta limita nan acceso na informacion- y servicio- nan esencial.

E conclusionnan aki ta haci ku e enfoco cu SER a bin ta propaga pa prosperidad amplio ('brede welvaart') ta bira indispensable. Prosperidad amplio no ta mira solamente crecimiento economico, sino tambe calidad di bida: seguridad di entrada, oportunidad di salud, inclusion social y participacion den comunidad. Den e perspectiva ei, e agenda di SDG-nan ta yuda pa mara progreso no solamente na indicadornan macro-economico, sino tambe na loka hende realmente ta sinti y experiencia den nan bida diario.

SER a expresa su aprecio pa e iniciadornan y partnernan cu a contribui na e iniciativa, incluyendo The Recycled Pirate | Life Awareness & Innovations, Aisvarya Productions y Club17 Curaçao, pa nan aporte den haci practicanan di desaroyo sostenibel mas visibel riba e isla.

Di dos victima ta testigua contra yiu homber di futuro Reina di Noruega



(AFP) - Un di dos muhe a testigua den corte na Oslo diamars, acusando e yiu homber di Noruega su futuro Reina di violacion mientras e tabata drumi, describiendo su "pio soño."

Marius Borg Hoiby, prinses Mette-Marit su yiu homber di 29 aña, producto di un relacion prome cu su matrimonio cu Prins Haakon, ta den huicio enfrentando 38 cargo, incluyendo violacion di 4 hende muhe y agresion contra ex parehanan.

El a declara su mes inocente na e ofensanan mas serio. E ta enfrenta te hasta 16 aña den prison si conden'e.

Diamars, un di dos victima a testigua tocante un violacion cu Ministerio Publico (OM) a bisa a tuma luga dia 8 di october 2023, despues di un fiesta na un apartamento di Noruega su Lofoten Islands, unda hoiby y su stiefvader tabata bishitando. Despues di relacion sexual cu consentimiento, e victima - un mucha muhe hoben cu el a conoce riba Tinder - a bisa cu el a lanta despues cu Hoiby a sigui tin relacion sexual cune cu no tabatin consentimiento.

"Esey semper tabata mi miedo," el a bisa corte, contando con el a cera su wowo "pa mi no mester tuma parti den mi propio agresion. Mi ta corda lanta ora cu e tabata actuando caba, y mi a pensa 'mi no ta compronde con un persona por tin relacion sexual cu un hende cu ta drumi,'" el a declara. "Despues, mi a sinti e sentimiento cu mi alma tabata saliendo di mi curpa. E tabata doloroso, mi curpa no tabata

cla."

Den un intento di comproba cu e relacion sexual a sucede ora cu e no tabata den condicion di bisa no, OM a entrega un video cu Hoiby a graba di e sucedido cu su mesun telefon y polis a haya despues.

Fiscal Sturla Henriksbo a bisa cu e video ta muestra e hoben drumi durante e incidente. E supuesto victima tambe a papia den contra di e imagenan, bisando cu nan ta graba sin su conocimiento - pa cual Hoiby tambe ta acusa.

OM a presenta tambe data di su 'fitness watch' pa comproba cu e tabata drumi. "Segun

OM, e cambio den ritmo na cual su curason tabata bati ta e factor mas decisivo," Henriksbo a conta corte.

Hioby, ken tabata muestra cu miedo durante proceso na corte diamars - mester a subi podium mas adelante. Siman pasa, Corte a tende testimonio di otro victima cu ta acusa Hoiby di violacion na otro fiesta na su mayornan su estado real pafo di Oslo den december di 2018.

Defensa a rechasa tur acusacion di violacion, argumentando siman pasa cu tur tabata "relacion sexual perfectamente normal y cu consentimiento."



Aurora
Royal Pray
Funeral Home & Crematory

Un gradicido sincero na tur
Cu a muestra nan compasion na cualkier forma

Despues di fayecimiento di nos querido:
John Fingal
Locual a nifica hopi pa su famia.

Alemania ta conseha contra biahenan no esencial pa Cuba

(AFP)—Alemania a emití dialuna un advertencia contra tur biahenan no esencial pa Cuba, unda presión for di Merca a crea un crisis di petroleo.

E nacion Caribense ta pasando den un periodo difícil despues cu Merca a stop e entrega di petroleo for di Caracas, despues cu tropa an Mericano a captura lider Venezolano Nicolas Maduro luna pasa.

“Cuba ta enfrentando un crisis di energia agudo, cual tambe ta ser agrava pa un infraestructura di energia cu ta den mal estado,” ministerio di Asuntonan Exterior di Alemania a bisa den e advertencia.

E pais ta enfrentando un “escasez significativo di energia y suministro di combustible, cual ta afecta tur aspecto di bida,” incluyendo cuida



medico, segun e boletin.

E advertencia tambe a nota cu avionnan for di exterior actualmente no por ser recarga cu

combustible na Cuba, “loke ta resulta den restriccionnan significativo den operacion di vuelo”, y cu “varios hotel ya a cera”.

“Transporte publico, iluminacion di caya, luz di tradico, mashin di carchi, sistema di comunicacion y seguridad ya ta severamente limita of por

fracasa,” e boletin a bisa.

Escasez di petroleo a presenta un menasa pa pone Cuba den scuridad completo, cu centralnan di energia luchando pa mantene luz cendi. Gobierno di Cuba a anuncia medida nan di emergencia, incluyendo un siman di trabao di cuatro dia pa companianan estatal y restriccionnan riba benta di combustible.

Air Canada a bisa dialuna cu e ta suspendiendo su servicio pa Cuba debi na un falta di garantia di suministro di combustible na e aeropuerto di e pais.

Havana a acusa Trump di kier “horca” e economia di e isla, unda recortenan di coriente y escasez di combustible, cual ya tabata recurren den e ultimo añanan, a bira aun mas agudo.

Gabinete di Zimbabwe a acorda riba plan pa extende termino di presidente te 2030

(AFP)—Gabinete di Zimbabwe a aproba dialuna cambianan amplio na e Constitucion como parti di un intento pa extende e termino di presidente Emmerson Mnangagwa, ken tin 83 aña, te 2030, provocando rabia entre figuranan di oposicion cu a adverti cu cualkier cambio mester ser sometí na un referendum nacional.

Mnangagwa a yega na poder na 2017 despues di un golpe di estado apoya pa e ejercito cu a saca Robert Mugabe, ken tabata presidente pa 30 aña, y su partido Zanu-PF, a anuncia na october plan pa extende su termino mas aya di 2028.

E amiendanan aproba ta inclui extende e termino presidencial for di cinco pa siete aña y cu parlamento, y no e electorado, ta scoge e presidente, segun un declaracion di gabinete.

E proyecto di ley lo pasa pa un “revision legal” door di e fiscal general prome cu ser publica den gazeta di gobierno y presenta na parlamento, minister di Husticia Ziyambi Ziyambi a bisa.

Politiconan di oposicion y analistanan a insisti cu e cambio aki lo mester aprobacion



di dos tercera parti di tur dos camaranan di parlamento—cual ta inclina na favor di Zanu-PF—y un referendum nacional.

Agenda di gobierno di partido gobernante pa “2030” ta riba mesa pa lunas caba, provocando lidernan di oposicion pa priminti cu nan lo “defende constitucion contra su captura”.

Intentonan pa protesta contra e plan a topa cu represion policial cu a manda decenas di hende prison.

Un declaracion despues di reunion di gabinete a bisa cu e amiendanan aproba lo “mehora estabilidad politico

y continuidad di politica pa permiti cu programanan di desaroyo por ser implementa te nan conclusion”.

Otro disposicionnan ta inclui permiti e presidente pa nombra 10 senador adicional, aumentando e Senado te 90 asiento.

‘Inestabilidad’

E limite constitucional di dos termino presidencial di cinco aña a ser introduci na 2013.

Mnangagwa a ser eligi pa un termino di cinco aña na 2018 y atrobe na 2023, pero el a ser acusa di permiti corrupcion desenfrena pa beneficio di su sostenedornan mientras cu

e ta reprimi derechonan humano.

“Cualkier amienda cu tin e ‘efecto’ di extende e termino di un presidente vigente mester ser sometí na un referendum,” politico di oposicion David Coltart a bisa AFP despues di e declaracion di gabinete.

“Nan sa cu si esaki pasa, nan lo fracasa, pues nan lo haci tur posible pa evita un referendum tuma lugar,” Coltart a bisa, ken ta alcalde di e segundo ciudad mas grandi di e pais, Bulawayo.

“No tin duda den mi mente cu esaki lo ser cubri ‘hudicialmente’ door di un sentencia apropia for di Corte Constitucional cu lo declara cu nan no mester tene un referendum,” el a agrega.

Defensor di democracia profesor Lovemore Madhuku a bisa cu e paso di gabinete ta “totalmente inaceptable” y cu e ta core riesgo di causa gran disturbio den e ex-colonia Britanico.

“Segun nos conocimiento, nan ni sikiera tin un referendum riba agenda,” el a bisa AFP. “E ta un manera impensable di haci politica y...lo causa inestabilidad politico.”

“Ta cla cu e atake riba e marco democratico di e pais ta rekeri nada menos cu un respuesta politico,” el a bisa, prediciendo un “lucha doloroso” den futuro.

Oposicion di Zimbabwe, fragmenta y debilita despues di añas di represion, te awor no a logra monta resistencia significativo contra e agenda di “2030”.

“Ta un dia tristo pa Zimbabwe,” abogado di derecho humano Paida Saurombe a bisa. “Pa mira cu e mesun Constitucion... ta ser mutila di un solo biaha y contra e mesun spirito di Constitucion ta extremadamente tristo,” el a bisa.

“Fundacion di e nacion ta bao atake pa esnan cu mester proteg’e.”

Mnangagwa a presidi riba un economia cu ta collapse, cual a sufrir hiperinflacion y desempleo, debilita pa supuesto corrupcion y amiguismo.

Un periodista cu a entrevista un veterano di guera di independencia cu tabata exige Mnangagwa di baha for di poder a ser aresta na februari aña pasa y a keda deteni den prison pa mas cu 70 dia, acusa di incita violencia publico.

Congreso Mericano ta interoga oficialnan di inmigracion



(AFP) – Cabesantenan di agencianan di inmigracion a enfrente critica pisa den Congreso diamars mientras nan a defende e accion di deportacion masivo di presidente Donald Trump y a contesta pregunta tocante e tiramento fatal di dos manifestante na Minneapolis.

Presidente Trump a reconoce despues di e mortonan na Minneapolis cu lo mester un “toke mas suave” pa inmigracion, y su administracion a anuncia concesionnan durante e retiro di centenares di agente for di e ciudad.

Pero e asunto ta keda leu di ta resolvi, cu Democratanan exigiendo cambio na e manera con Departamento di Seguridad Nacional (DHS) ta conduci su accionnan di inmigracion y menasando cu blokea su financiamiento, mientras administracion di Trump ta priminti di mantene su esfuersonan di deportacion, cu sosten di legisladornan Republicano.

“E presidente a encarga nos cu deportacion masal, y nos ta cumpliendo cu e mandato ey,” segun Todd Lyons, cabesante interino di Aplicacion di Inmigracion y Aduana (ICE) a bisa den su comen-tarionan di apertura durante e audiencia diamars tocante supervision di DHS.

El a testigua banda di Rodney Scott, cabesante di Agencia Mericano di Aduana y Proteccion di Frontera (CBP) y director di Servicio di Ciudadania y Inmigracion, Joseph Edlow.

Scott a elogia e esfuersonan na e frontera sur di Merca, bisando cu CBP “a pasa aña pasa reconstruyendo loke tabata un frontera kibra intencionalmente,” y cu “Merca... ta disfruta di e frontera mas sigur den historia di nos nacion.”

E oficialnan di administracion di Trump a enfrente un cantidad di critica y pregunta fuerte di legisladornan Demócrata tocante e accion mayor contra migrante indocumentado na varios ciudad Mericano, cual representantenan Republicano a defende en gran parti. “E administracion aki y e agencianan representa nos dilanti a muestra un indiferencia completo pa ley y Constitucion,” representante Demócrata, Tim Kennedy a bisa.

‘Incompleto y insuficiente’

Representante Eli Crane, un Republicano, a pusha contra critica di aplicacion di ley di inmigracion, acusando Democratanan di busca di “demonisa ICE y Seguridad Nacional” y culpando nan di permiti “migrante ilegal” den e pais.

Na Minneapolis, miles di agente federal den siman-nan recién a ehecuta accion den loke e administracion ta bisa ta operacionnan enfoca contra criminalnan. E accion a mira detencion di categori-anan amplio di inmigrante, y tin biaha, ciudadano.

E operacion a genera protesta masivo na e ciudad, y e tira-

man apart luna pasa a resulta den un ola di indignacion.

Ora representante Demócrata, Eric Swalwell a puntra ayera si Lyons lo pidi disculpa na famia di Good y Pretti tocante e descripcion inicial di e administracion referiendo na nan como “terrorista domestico,” el a nenga, bisando cu e no lo duna comentario tocante investigacionnan activo.

Democratanan den oposicion ta bin yamando pa reforman-an amplio di operacionnan di ICE, incluyendo pone fin na patruyanan mobil, prohibi agentenan di tapa nan cara, y rekeri orden di hues.

Lidernan Demócrata den Congreso tambe a menasa cu blokea e ley di financiamiento 2026 pa DHS. Cas Blanco a indica cu ta dispuesto pa negocia, pero su respuesta no a satisfice legisladornan oposi-

tor te awo.

“Republicanonan a comparti un delineacion di un contrapropuesta, cu no a inclui ni detaye ni texto legislativo,” lider di minoria den Camara di Representante, Hakeem Jeffries y lider di minoria den Senado, Chuck Schumer a bisa den un declaracion.

Nan a denuncia e respuesta di Cas Blanco como “incompleto y insuficiente den termino di atende e preocupacion cu Mericanonan tin tocante e conducta ilegal di ICE,” y a bisa cu nan ta wardando mas detaye.

Si negociacion faya, DHS lo por enfrente un falta di fondo cuminsando diasabra. Operacionnan di CBP y Ice por continua usando fondo aproba pa Congreso aña pasa, pero otro sub-agencia, manera organizacion di calamidad FEMA por keda afecta.

M A R E A

A taste of love

FEBRUARY 14, 2026 | 5:30PM

JOIA
BY IBEROSTAR

3-COURSE DINNER | \$220 PER COUPLE
(includes a bottle of wine)

RESERVATIONS THROUGH OPENTABLE.COM

JOIA ARUBA OFFERS A SEAMLESS, FULLY CASHLESS EXPERIENCE.


Francia ta pidi mas testigo den caso di ex docente acusa di abuso sexual

(AFP) - Un fiscal Frances diamars a apela pa mas testimonio den caso di abuso masal den 9 pais, despues di acusa un ex docente di 79 aña cu violacion y agresion sexual di 89 menor di edad desde 1960.

Fiscal Etienne Manteaux a papia cu reporteronan den ciudad Grenoble tocante e caso di ex e docente, ken tambe a confesa di a asesina su mama terminalmente malo y su tanta di edad mayor.

Den un decision poco mira, autoridadnan a nombra e sospechoso, Jacques Leveugle, ken a nace na Annecy. "E nomber aki mester keda conoci pa motibo cu e meta ta pa posible victimanan bini dilanti," e fiscal a informa.

Ora a puntra dicon fiscalnan no a revela e informacion



ora cu Leveugle tabata bao investigacion, Manteaux a bisa cu e tabata un "caso un poco inusual, y prome miki a garantis e berdad di e hechonan,"

"A bira esencial pa permiti e

victimanan cu no por identifica y cu no lo ser scucha pa bini dilanti," el a agrega.

Leveugle, ken ta acusa di comete crimennan sexual contra menornan entre 1967

y 2022, tin desde su acusacion formal den 2024 deni segun e fiscal. Den mey di aña pasa, corte Frances a sentencia dokter retira Joel Le Scouarnec na 20 aña den prison despues cu el a confesa cu el a sexualmente abusa di of viola 298 pashent entre 1989 y 2014.

Di nan, mas di 250 victima tabatin menos di 15 aña.

Defensoran di victima y mucha ta bisa cu e caso ta trece dilanti fayonan sistematico cu a permiti Le Scouarnec comete crimenan sexual repetidamente.

Leveugle aparentemente a comete crimennan contra menornan na Alemania, Suiza, Maroc, Niger, Algeria, Filipinas, India, Colombia y New Caledonia, unda el a traha como docente freelance segun e fiscal. E tabatin varios rol incluyendo estudio di cueba y docente di Frances. "El a biaha e diferente paisnan aki y den cada un di e sitionan unda e tabata el a provee les y bijles. Aki e tabata conoce e hobennan y tabatin relacion sexual cu nan," segun e fiscal.

E cantidad di victima a keda estableci cu data cu tabatin den un USB cu e homber mes a skirbi, cual ta referi na

"relacion sexual" cu menornan di 13 aña te na 17.

E USB riba cual e documentonan tabata warda pa e homber tabata descubri pa su sobrino, ken tabata "cuestiona su tio su bida emocional y sexual," Manteaux a agrega. E ta "contene 15 escritura di material hopi denso, y investigadornan lo evalua y lesa tur e documentonan aki y identifica 89 menor di edad," el a bisa.

Durante e investigacion, e homber tambe a confesa cu el a sofoca su mama - un pashent di cancer terminal - cu un cusinchi den 1970, segun e fiscal. Tambe el a sofoca su tanta di 92 aña cu un cusinchi den 1990.

Leveugle mester a biaha y e wela a "rog'e pa no bay. El a dici di mat'e tambe, pues mientras e tabata drumi, el a coy un cusinchi y sofok'e," fiscal a conta. Den su "memoir," e homber a skirbi cu el a "mata 2 persona," Manteaux a bisa.

Un investigacion pa asesinato separa a keda lansa.

E sospechoso "ta hustifica su actonan bisando cu e lo kier pa un hende haci mescos p'e si e haya su mes den un situacion terminal," fiscal a conta.

A night of
INDULGENCE
February 14, 2026 | 5:00pm

3-course dinner \$235 per couple including a bottle of wine

Reservations through Opentable.com
JOIA Aruba offers a seamless, fully cashless experience.

GAIA | JOIA
BY IBEROSTAR

@GAIA.ARUBA

